山庫全幸

史部

欽定四庫全書山西通志卷一百八十四

詳校官給事中臣王鍾健

檢討臣德生覆勘

校對官編修臣沈清蘇

總校官進士臣失

鈴

勝録監生臣馮萬程

難王旅大捷俘馘 晋 とこうら こう 伏省詔書相國南陽王保太尉涼州刺史軌斜合二州 欽定四庫全書 恤王室冠軍將軍允該軍將軍林總齊六軍發力國 山西通志卷一百八十四 -計旌旗首於晉路金鼓振於河 山西通志 曲

廅 多定匹库全書 勒所屬勒勢轉盛欲来襲臣城塢駭懼志在自守又猗 用愆成舉臣所以泣血宵吟扼腕長歎者也勒據襄國 臣前表當與鮮早待盧剋今年三月都會平陽會石勒 **婚函無處劉之驚所雕有安業之慶斯誠宗廟社稷陛** 下神武所致含氣之類莫不引領況臣之心能無踴 臣隔山寇騎朝於夕及臣城同惡相求其徒實繁自 三月三日徑掩薊城大司馬博陵公浚受其偽和為 國內欲生姦謀幸盧警處尋皆誅滅遂使南北顧慮

謀處以圖臣為計關何間隊寇抄相尋戎士不得解甲 てこりき とう 梟臣無歸志庶憑陛下威靈使微意獲展然後隕首 東北八州勒減其七先朝所授存者唯臣是以勒朝夕 臣當首啟我行身先士卒臣與二虜勢不並立聰勒不 狼狈徒懷憤踊力不從願慙怖征營痛心疾首形留所 百姓不得在野天網雖張靈澤未及唯臣孑然與寇為 在神馳寇庭秋穀既登胡馬巴肥前鋒諸軍並有至者 伍 自守則務聰之謀進討則勒襲其後進退唯谷首尾 j, 西通志 <u>ۃ</u>

多片四月全書 臣聞經國之體在於崇明典刑立政之務在於固慎關 超投首日明面縛社稷克寧鑾與反駕奉迎之敷現實 塞况方岳之臣殺生之柄而可不正其枉直以杜其姦 國没而無恨 為隆此現效忠之一驗也其後并州刺史東贏公騰以 邪哉竊見故司空廣武侯現在惠帝擾攘之際值羣 沸之難戮力皇家義誠彌属躬統華夷親受矢石石 原劉琨表 m 廅 諶

守羣逆縱逸邊萌順仆苟懷宴安咸以為并州之地四 門族受殲夷之禍向使現從州人之心為自守之計則 土鳩集傷疾撫和戎狄數年之問公私漸振會京都失 屬承其弊到官之日道户無幾當易危之勢處難濟之 ノスコミ したり 以為天子沈辱而不順身死節情非所安遂乃跋履 塞為固且可閉關守險畜資養徒抗解属聲忠亮奮發 晉川荒匱移鎮臨漳太原西河畫徙三魏琨受任幷州 東西征討屠各乘虚晉陽沮潰現父母惟屠戮之殃 ĻĻ 馬通な

|動定匹庫 澹議偷於尚存則晏然於并土必不忘身於燕薊也現 事 自 奔現於平城納其初附將軍箕澹又以為此雖晉人久 聖朝未必加誅而族黨可以不喪及猗盧敗亂晉人 期 在荒裔難以法整不可便用現又讓之義形於色假從 陛下登祚便引然告遊前後章表具陳誠款尋令從 以備位方岳綱維不舉無緣虚荷大任坐居三司是 時俱發又匹磾以現王室大臣懼奪已威重思現 .郎臣續澹以章緩節傳奉還本朝與匹磾使榮卻 歸

全書

人人已日年七年三 嗣 此 停荣邻欲遣前兼鴻臚邊邀奉使詣保懼澹獨南言其 稨 詔 卒若匹磾縱凶慝則妻息可免具令臣澹客宣此旨求 盡請京城以其門室一委陛下有征舉之會則身充一 之形漸彰於外現知其如此處不可久欲遣妻息大小 事遂不許引路丹誠赤心卒不上達匹磾兄眷丧亡 敕路次今相迎衛會王成從平陽逃来說南陽王保 子幼弱欲因奔丧奪取其國又自以欺國陵家懷 號龍右士衆甚盛當移關中匹舜聞此私懷顧望留 ول ıH, άij υg

復勞於人力自此之後上下並離匹暉遂欲盡勒胡虜 納 徙居上谷現深不然之勸移厭次南憑朝廷匹磾不能 欲害其從叔縣從弟末波等以取其國匹暉親信器告 多为世人名言 **匹 碑必有禍心語臣等云受國厚恩不能克報雖才畧** 没皆憑向現若現於時有害匹禪之情則居然可擒 樂禍恐父母宗黨不容其罪是以卷甲索弓陰圖作亂 反禍害父息四人從兄二息同時并命現未遇害知 波縣沒乃遣人距之匹犀僅以身免百姓謂匹禪

|棄之不今殊俗之豎發台輔之臣亦已明矣然則擅記 述話碩凶之思又無信布懼誅之情崎崛亂亡之際夾 效節於一方上不得歸誠於陛下雜旨慷慨動於左右 稱陛下容紹現信有罪陛下加誅自當肆諸市朝與衆 匹磾既害現横加証謗言現欲闚神器謀圖不軌現免 猶不為之况在國士之列忠節先著者乎匹磾之害現 肩具類之間而有如此之心哉雖城獲之愚厮養之智 不及亦由遇此厄運人誰不死死生命也唯恨下不能

欠足四車 台

山西通志

誅之哉折衝厭難唯存戰勝之將除暴討亂必須 逞之人襲匹磾之跡殺生自由好惡任意陛下將何 是可忍也孰不可必若聖朝猶加隱忍未明大體則 有罪 金分匹屋有書 亂事殺虚假王命虐害鼎臣辱諸夏之望敗王室之 之臣故古語云山有猛獸黎霍為之不採非虚言矣自 在於此開塞之由不可不閉故也而匹舜無所顧忌怙 以北幽并以南鳃類有所顧憚者唯現而已現受害 雖小必誅矯制有功雖大不論正以與替之根成 6 知界 法 不

充負荷播越遐荒與現周旋接事終始是以仰慕三臣 夷小大所以長戴者也伏惟陛下叡聖之隆中興之緒 之後羣凶欣欣莫不得意鼓行中州曾無纖芥此又華 劉向辨陳湯之功下足以明功罪之分上足以悟聖主 方將平章典刑以經序萬國而現受害非所冤痛已甚 在昔之義謹陳本木冒以上聞仰希聖朝曲賜哀察 之懷臣等祖考以来世受殊遇入侍翠幄出簪彤管弗 未開朝廷有以甄論昔壺關三老訟衛太子之罪谷永

たいりをいる

山西通志

六

元魏 多分四月全書 荒 度 臣 勸之用能開國寧方征伐四魁柔然悍愚同於禽獸所 四日防周五日刑賞故遠人不服則修文德以来之 聞為國之道其要有五一日文德二日武功三日法 暴敵輕侵則設防固以禦之臨事 微放命則播武功以威之民未知戰則制法度以齊 者野戰所短者攻城若以秋之所短奪其所長則 上安邊表 農 制勝則明賞罰以 高 閣

欠己日日 八子 宜 戰 役者非智術之不長兵衆之不足乃防狄之要事其 孝武踵其前事此四代之君皆帝王之雄傑所以同 制 足是以古人伐北方攘其侵掠而已歷代為邊患者良 然故也易稱天險不可升地險山川丘陵王公設險 倏忽無常故也六鎮勢分倍聚不關互相圍逼難 之昔局命南仲城彼朔方趙靈秦始長城是築漢 則與家產並至奔則與畜牧俱逃不齊資糧而飲食 不能成患雖来不能內逼又狄散居野澤隨逐水草 山西通志 理

忠勇有智幹者以充其選下置官屬分為三軍二萬人 獲草盡則走終必懲艾宜發近州武勇四萬人及京師 多置弓弩伙来有城可守有兵可提既不攻城野掠無 專習弓射二萬人專習戈楯二萬人專習騎稍修立戰 以禦北虜雖有暫勞之勤乃有永逸之益如其一成惠 以守其國長城之謂數今宜依故於六鎮之北築長城 及百世即於要害往往開門造小城於其側因地却敵 二萬人合六萬人為武士於苑內立征北大將軍府選

金分四月在書

其解兵草之宜識旌旗之節器械精堅必堪禦冠使將 てこりう ハルラ 當三步之地三百人三里三千人三十里三萬人三百 地以築長城計六鎮東西不過干里若一夫一月之功 揚威漠北秋若来拒與之決戰若其不来然後散分其 送北鎮至八月征北部率所領與六鎮之兵直至碛南 六萬人各備戎作之具敕臺北諸屯倉庫隨近作米俱 場十日一習採諸葛亮八陣之法為平地禦冠之方使 有定兵兵有常主上下相信晝夜如一七月發六部兵 山西通志

能遊防之苦其利一也北部放牧無抄掠之患其利二 若身之使臂然後忠勇可立制勝可果是以忠臣盡其 之備其利四也嚴常遊運永得不置其利五也又任將 也登城觀敵以逸待勞其利三也省境防之處息無時 里則干里之地强弱相東計十萬人一月必就運糧一 决放其小過要其大功足其兵力資其給用君臣相體 之道特須委信遣之以禮恕之以情聞外之事有利甄 月不足為多人懷永逸勞而無怨計築長城其利有 <u>L</u>

多定四庫全書

土伏惟陛下天改聖姿利見篆極欽若昊天光格宇宙 瘁 七政昭宣於上九功咸叙於下君人之量逾萬謙光之 卿士令各上書極陳損益深思被於蒼生厚惠流於后 心征將竭其力雖三敗而踰榮雖三背而彌寵 太皇太后以敵哲贊世稽合三才高明柔克道被無外 奉癸未詔書以春夏少雨憂饑饉之方臻愍黎元之傷 同禹湯罪已之誠齊堯舜引咎之德虞災致懼詢及 上應詔陳時宜表

てこりう シトラー

山西通志

宣 官之勤劇班俸禄以優之知勞逸之難均分民土以齊 息定刑書以理之懼為民之姦九置鄰黨以務之完庶 占彌寫修復祭儀宗廟所以致敬師正器服禮樂所以 帝道昌則九畴叙君德衰而異倫教休瑞並應享以五 率土移風雖未勝殘去殺成無為之化足以仰答三靈 者矣臣聞皇天無私降鑒在下休咎之後咸由人召故 甄忠明孝於貧恤獨開納謹言抑絕讒伎明訓以 和增儒官以重文德簡勇士以昭武功慮微訟之未

多定四庫全書

邁前王從星澍雨之徵指辰可必消災滅禍之符灼然 災周漢遭水旱之患然立功修行終能弭息今考治 洪範之實徵神祗之明驗及其厄運所纏世鍾陽九數 自 孔 之以禮綏之以和一歲不收未為大損但豫備不虞古 有如此之風計運未有如彼之害而陛下殷勤引過事 見雖王畿之内煩為少雨關外諸方禾稼仍茂首動 於天理事違於人謀時則有之矣故竟湯逢歷年之 則康於其邦咎徵屢臻罰以六極則害於其國斯 卯

てこりら へふう

山两通志

多定四库全書 思親戀本人有愁心一朝有事難以樂敵可寬其往来 之善政安不忘危有國常典竊以北鎮新徙家業未就 邊境矣明察畿甸之民饑甚者出靈邱下館之栗以救 您其東西隨豐逐食貧富相膽可以免度凶年不為患苦 **隨運以溢其處開關弛禁薄賦賤羅以消其費清道路** 其乏可以安慰孤貧樂業保土使幽定安并四州之 烦使欣慰開雲中馬城之食以賑恤之足以感德致 開常士困則濫竊生匹婦飯則慈心薄凶儉之年民 卷一 租 力

次足四年公野 一 法 者定狀以聞罷非急之作放無用之獸此乃数凶之常 牧又一夫幽枉王道為虧京師之獄或恐未盡可集見 和 囚於都曹使明折庶微者重加完察輕者即可決遣重 輕違犯可緩其使役急其禁令宜於未然之前申敕 十四年 生雖遭凶年何傷於民庶也愚臣所見如此而已 且以見憂於百姓論語曰不患貧而患不安苟安而 弛鹽禁表 秋日 山西通志 甄 琛

時 相 稱 王者道同天壤施齊造化濟時拯物為民父母故年 D 之茍益生民損躬無各如或所聚唯為賑 不登為民祈祀乾坤所惠天子順之山川 忠及子孫一運之君澤周天下皆所以厚其所養以 周 山 侵奪者罪之無赦此明尊民而弗禁通有無以 斯所謂障護雖在公更所以為民守之耳且一家之 林數澤有能取就食禽獸者皆野虞教尊之其选 雏 有川 澤之禁正所以 防其殘盡公令取之 秘利天子通 恤是以月 相 有

金グレ

Ĕ

1. 1

Le and Driet dition 為之求利者也臣性昧知理識無遠尚每觀上古愛民 其弊故周詩稱教之誨之飲之食之皆所以撫覆導養 其用或巢宇以誨其居或教農以去其饑或訓衣以除 子貧而茍禁一池也古之王者世有其民或水火以濟 四海之所備奉一人軍國之資取給百姓天子亦何患 利是猶富專口斷不及四體也且天下夫婦歲貢栗帛 為國家之富未有尊居父母而醯醢是吝富有萬品而 物是規令者天為點首生鹽國與點首障養假獲其 ц 西通志

多好四月全書 奖 是使逐方間者罔不歌德昔宜父以棄實得民碩鼠 今偽弊相承仍崇關壓之稅大魏恢博唯受教 記之 君 且善藏者藏於民不善藏者藏於府藏於民者民欣而 之 稱 之迹時讀中葉驟稅之書未常不歎彼遠大惜此近俠 物 富藏於府者國怨而民貧國怨則示化有虧民貧 出内之各有司之福施惠之難人君之禍夫以府藏 財失衆君王之義宜其高矣魏之簡稅惠實遠矣語 猶 不施而為災沉府外之利而可各之於點首 輸

欠已日本 三 現而自失寧足以發揮 篆刻無術下惟闕蛟龍之學搦管慙鳳凰之思猥辱隆 伏奉恩敕編撰攀龍臺碑文賜臣物四百段研精不 唐 法使之監導而已 君無所取願弛兹鹽禁使沛然遠及依周禮制川衡之 **俾圖光範戴天如弱仰大象而增迷遊聖為言撫營** 謝撰攀龍臺碑蒙賜物表 山西通志 他揚推萬分述虞后之孝思 李 土 嶠 優

多方四周全書 臣無與二夙夜惶悸萬殞增惕然旌節所統緣邊千里 史麗澤之来匪月而降受賞轉級惟臣及子寵渥所分 伏奉動賜臣絹一百疋又奉勅除臣男之輔尚含直長 無任慙戴屛營之至 承紫泥之渥荷寵惟懼瞻恩載靦祇奉之日棟汗交馳 用廣褒崇之惠披文相質本殊黄絹之詞領賞計勞遂 談姬文之睿業而天情不匱帝造無涯式推愛敬之心 為并州長史張仁直謝賜長男官表 富嘉謨

應者天錫其命道尊者帝受其名伏惟陛下克享天心 禦宠既廣兵賦自殷受任非據屢移年祀未能司大事 臣開惟天為大聖人合其德知微其神至人契其道德 望闕庭以紫受懼無任悾款之至 ここりえ ハドラ 何 而静外處汔小康而蠲內役而崇班厚眖載在臣門將 承不命仁育萬類道光四表功業見乎變徵符應 以私拜殊渥光顯休命此微臣所以有死無報也南 宰相等上尊號表 山两通志 張光庭

時往者國步多艱克清內難皇天眷祐受命文宗允叶 若乃欽明上古允恭克讓級學設教定禮創歷章施五 聖謨肇修人紀不易日月再造乾坤此陛下之神武也 采充指八音緝熙之教成肅雍之德備此陛下之聖文 通文之化也登封告成文之表也非大聖則不能合其 也若郊祀天地文之經也敬事神祇文之德也柔遠能 典謨非至神則不能制其通變故功成者不可不表德 至者不可不崇是以百碎關望三靈乃眷將謂鴻名尚

多定匹庫全書

一百

νĐ

謂 鳴謙之小節徽名不可以深拒大典不可以固達則乃 陛下將以首出干古表正萬邦伏願守神器之至公遺 闕大典未敷臣等昧死上尊號為開元聖文神武皇帝 古歷考元符敢備鴻名以光帝冊陛下烝烝大孝翼翼 伏以聖徳廣運神功莫大昭升於上敷聞在下是用稽 敢以固請 ,部盡美矣又盡善也凡在含生不勝大慶臣等區區 第二表

处包里真公野 一

山西通志

ナ五

聖無不通神無不妙克受文命大定武功稽之於古 ソス 稷 徳 者 .1. 稱 聖相承受天之枯是則前聖有紀而後聖無名陛下 彼考之於今則如此豈可鴻名大寶未有所崇盖天 與天地合其德日月齊其明智無不通物無不敗 心沖讓推誠未九羣請臣等愚蔽罔知所 合其名稱盖聖人之總名非王者之私受昔周尊后 其聖矣及下武繼文能受其命亦稱其聖矣是以 以配天所以美其聖矣及思齊文王人樂其德所 卷 八 圖臣聞

ロカメニー

Ā

授者不可達人欲者從其願伏乞暫回玄鑒俯察丹誠 使文德武功鬱為稱首朝聞其道夕死是甘區區以固 請無任煉踢之至 臣等獨因與頌上奉鴻名丹懇備陳玄鑒猶邈是故退 省方策進輸真誠伏惟陛下少回天恩則海内幸甚臣 聞天下者列帝之公器聖號者先王之至名故業崇則 器尊道在則名應理徵不假義與無私今天之作唐光 第三表

次定四車全等 一

山两通志

金女以及名言 處率舊章奉将元命非敢虚美以各其詞伏願上察天 昭 豈所謂畏天命以從人欲之旨哉伏惟聖以知時神以 乎累聖天則有命聖可無名今若違而不居請而不允 心下自人聽使百靈遂望萬古式瞻則朝聞其道夕死 無恨臣等不勝態迫之至 帝屬莫斯為大不稽古之明義豈在今之能名臣等 物文經造化武定邦家書云乃聖乃神乃武乃文光 行禮樂化導三事表 裴耀卿

大三日東 白語 庚等章言孝子養親及草物遂性之意或有泣者則知 籍所教者返古還撲上奉君親下安鄉族若皆氣和浹 雖行之自久而外州遠郡俗習未知徒聞禮樂之名不 所管縣一一與百姓勸導行禮奏樂歌至白華華泰由 知禮樂之實寫見鄉飲酒禮頌於天下比来惟有貢舉 之日畧用其儀問里之問未通其事臣在州日率當州 治自然化理清平由此言之不在刑法聖朝制禮作樂 三者禮樂化尊也州牧縣宰所守者宣揚禮樂典書經 山西通志

中 稍 及 三兩事令比州轉次造習每年各備禮儀准令式行禮 州 太常具有樂器大樂久備和聲伏望令天下三五十大 人心有感不可盡誣但臣州人絕雅聲不識古樂伏計 簡 務在擇才而學校衰微居然可驗州縣補學生之日 諸色並國子每年為舉權第過百人已上雖有司明 聞於學也今計天下州縣所置學生不減五六萬人 加勘獎以示風俗又以州縣之學本以勘人禄在其 有性識於太常調習雅聲仍請至等琴瑟之類各

多写世月月音

序聖澤曲臨天文下降日月爛其光彩風雲蔚其氣色 陰陽不測聖人能為之節然後垂文章以鼓天下之動 不可因循伏望詳擇其宜微加勘草 張宴樂以導天下之和三五以還盛美斯在伏惟陛下 捧讀驚駭魂守失常臣伏以天地有常萬物必由其化 中使至伏奉手韵并賜臣皇太子所寫御製中和節詩 皆不願為遠郡送鄉貢之時多有不願来集恐成頹弊 謝賜中和節御製詩序表 I 維

人こりゅんはう 一

山两通志

守外藩獲承殊獎荷此非常之賜實惟希代之實窺觀 太子以聰哲之姿篆隸超妙鸞鳳之勢鍾王莫傷臣備 文輝三象指同六律邁殷湯之晨露掩虞舜之薰風皇 中 唱臣和歡逢宴鎬之時濫吹徒歌輒劾鈞天之末塵瀆 勝欣感之誠謹獻應制詩一首章句疎無義理鄙淺君 則 以道御物以文化成立言盡經緯之本東筆節陽和之 雖天肯玄深理絕於獨度而唇詞煩治義歸於德卻 河漢無極負戴則山岳為輕沉族捐驅何階上答不

多牙四月在重

巷一百八十

次足日車全替一丁 遺大馬命以驅馳收其分寸之勞加以丘山之賞禮因 歲序肅將朝寒剪滅兇徒此乃天工匪惟臣力陛下不 祇拜休命內揣薄才委任專崇周章失據臣間邊之安 位重恩與日深常恐顛危不克負荷所以屢有陳讓乞 金亦資善製况夫謀兼智勇備列戎旃自守封疆頗淹 危係於所用事之成敗諒在先謀故寸壁必求良工尺 旒展伏深戰懼無任祗惕之至 謝河東節度表 山西通志

餐之詩自臣攸作今又更承獎命兼以河東邊境相連 且 臣 停范陽而手詔曲垂不蒙允許退就私室切愧 金月で月月三 肵 三千餘里烽燧列警厅堠須明雖則居安終資有 議官序有倫 **愧曠職况臣旁給三節控帶數藩智有所不周心有** 不及兵權 獨 望於臣不逮察臣愚誠更選良能付以旄鉞則樵夫 制 謂必無失然以能處一事身任一官循擇 倘失奔腳寧追實處投受乖宜簡書是畏 明時 備 其 素

之務雖才輕方名而任比桓文此陛下除好之時乃 寄深匡輔任切安危龍命遇臨憂惶如灼臣智術凡淺 又很蒙驅策出鎮河中授臣以連帥之權委臣以事 仍四上將分茅錫社榮冠一時縷縷之誠切自增愧 賜也 功曾無足紀竟不能掃蕩妖孽使八方攸同謬踐中樞 才器無開承日月之光遇風雲之會自奉先帝徇以驅 被甲即戎載惟寒暑比憑朝算克振天聲雖毫髮之 謝副元帥河中節度使表 今 征

欠包申私的!

山西通志

恨 多少とたろき 臣 忘家雖在暮年猶思報主則廉煩强飯馬援據鞍 方之有甚前哲軍國事重不敢固辭誓竭股肱之力 副 臣死難之日切見自古忠義之士莫不扶危救禍憂國 聞鼎者夏后氏作羣牧貢金遠方圖物備諸山澤 腹心之寄儻皇敵獲展寇難克平殞身我行實無所 魑魅厥後嗣德昏亂鼎遷於商夏之實也杞不足徵 為并州長史張仁直進九鼎銘表 6 吳少微 臣

盖筠樂淳熬澂瀦膏餌御九州之美順四時之和臣所 紀靈瑞也武興建都所以光帝閉也禮日觀禪云云所 乃述九號夫永昌天中所以基皇周也長安及歧所 敢 惟陛下光大而當之若乃崇貴之器金玉之鼎鎔首山 發雅上列太廟序明堂克明靈命以奉上帝非愚臣所 殷既有之又患失之周德休明神實不墜百代可繼伏 議臣聞禮之與也始諸飲食故先王之制曰舉九鼎 征繕北金敢貢新鼎夫有器必有名臣寫見九州 同

欠己日草 白馬

山西通志

主

以間 廣 多片四月百十 厭 老不達有慙歌頌塵八命之寵章負中軍之重任匪躬 衍 荆蠻也成都與區所以過珍貢也夫此九者誠不足 以美升中也少陽載青所以真儲德也東原底平所以 獻代表流汗其九鼎銘謹敢列上謹遣其官某奉鼎 封植也江都准海所以肆朝宗也江陵作鎮所以 鴻休的振方統庶親者美其所稱知有由作微臣 進王維集表 Ŧ 縉 揄 制 朽

大きり上午を持一人 而不朽成大名於聖朝臣不勝感戴悲歡之至 進上曲承天鑒下訪遺文魂而有知荷龍光於幽穷没 筒之中臣近搜求尚應零落詩筆共成十卷今且隨表 念兹無生乘與為文未曾廢筆或散朋友之手或留篋 净實見時輩許以高流至於晚年彌加進道端坐虚室 立身行之餘力常持堅正東操孤貞縱居要劇不忘清 者恩命忽臨以驚以喜退因編録又竊感傷臣兄文詞 中使王丞華奉宣聖古應是王維文賦並仰録寫進上 山两通志 主

官告身澤濡窮蘇雷起幽蟄塵忝近侍冠軼常倫震驚 威時自結明主愚誠神感人欲天從果蒙陛下自記 銀分正月月 失圖兢跼 伏奉制命授臣左拾遺又中使至宅奉宣進止賜臣本 中 為崇附下苟進為恥臣所以既孤之後義不依人賣洛 之薄田歸闕下之舊宅退藏其跡黙誓於心不邀 門不求名於聚口星霜若節夙夜精誠唯願 謝 授左拾遺表 周據臣當學舊史承訓先臣皆以奉上自致 ī 吕 温 投 利 軀

知 盡節之方私室無謝恩之處顧惟凡陋切此殊尤經激 首無玷然後敢望披雲捧日一 肝膽而何述唯當竭誠陳力効節明忠使丹心有孚白 血 **俾其不出户庭坐生羽翼萬乘知已一鳴驚人公朝得** 明起宾清列俯降中貴内賜官告特違恒例光寵賤臣 名很憐孤直振零丁於絕望拔暧昧於關 、歸百生之志願斯畢臣家雖在城多適田野久廢簪 誠銘鏤膚骨採拔恩重沉塗感深単性命以為期裂 識天顏則闔門之灰粉 獨斷皇

たこり自己的

山西通志

主

多片正月百十 笏皆須營備不獲當時隨例拜謝關庭 臣 稱 不敢遑息以今月七日到州上訖祗罷自天戰弱無地 臣蒙恩授使持節道州諸軍事守道州刺史奉命星馳 物之憂自古審官莫斯為重臣才之吏用識昧政 認以屏庸早私朝序再塵處府三踐文目竟不能著 彌綸贊肅綱紀合行殿點翻蒙與任共至公之理分 何以克副聖心撫寧遊俗唯當勤宣皇化虔奉暴章 道 州刺史謝上表 ð ന്ത 經

師 恭承寵命循顧庸虚感忙失圖戰跼無地臣聞三載陟 风夜再换炎凉仰春陛下爱勤以恤遠人凋察雖檢身 臣伏奉五月十一日恩制授使持節衛州諸軍事守衛 **苦節励精少酬萬** 明處書威典六條舉最漢制宏規父在上允帝偷俯詣 州 刺史散官熟賜如故謹以七月十五日到本州上 錫臣該領郡務素無吏能處守國章布宣皇化匪寧 飵 州刺史謝上表 臣無任受恩感激之至 一記

スニコラ ここう

山两通志

Ē

一多九四年全書 前下不敢愧於神明而阜俗移風竟未彰於績用將 同 P 雖屏營之至 新之効少酬天覆之思實望聖慈照臣肝膽臣無任感 省躬增惕殞首知輕謹當罄竭精誠策磨朽鈍庶立 特府屠獎簡在宸心當愷悌之旁求唇循良之盛選 使至奉宣聖古賜臣新火及春衣等熒煌自天纖麗 降東帶敛在盡飾之道已加捧炬迴光照臨之崇荐 寒食謝新火及春衣表 武元衡 H 何

KIEDIST AIRE 去組紀更沐衣輕之賜很需鄙陋曲被幽微臣雖至 前過尚容舊職吞陪班列就惕每多載冒簪纓輕惶益 涯 豈不知愧伏以先皇之徳未報陛下之澤又深揣分循 甚今時惟清明律中姑洗當改燧火既荷維新之思未 進賢惟善有死莫貳知無不為伏真聖慈鑒臣丹慊 及臣以薄才濫居臺憲曠官尸禄骤涉歲年陛下未責 過切與遇將仰申祥補俯劾涓埃惟當以火燭心焚 不忘於盡瘁以衣屬已曳婁常誓於康驅嫉惡觸 山西通志 愚 無 奶

時 於 多分四月在書 陛 中 任 堪謬參風憲曠官尸禄已涉歲年竊位妨賢心知不 浹 今節 光燭 踴 使至奉宣聖肯賜臣新茶二斤者慈澤曲臨恩沒 珍之賜 下弘上天之私覆迴白日之餘光錫貢頌祭布方新 雖屏營之至 詂 問里祭加微賤驚歡失圖荷戴無力臣庸銷 賜新火及新茶表 **對燧改火燭幽昧於蓬門既荷維新之思更沐** 粉何 仰 申 神補俯 効涓埃惟當焚灼丹 可 無

伏增陨越無任感戴屏營之至 次包里至馬 允許仍賜臣一本又賜臣御製宸展台衛銘二首并叙 臣前竊賭御製賜靈鹽節度使杜布全君臣箴一篇輒 列 垂訓後代光示萬邦伏奉批表及賜臣等手部俯蒙 刻后於太原與王之都與玄宗所製起義堂頌碑並 勵恩魯况先朝之恩未報陛下之澤入深省分循涯 為河東副元帥馬司徒請刻御製筬銘碑表 山西通志 椎德與 Ě

音 使 周 精義微言深於義文之旨明訓大誠叶於舜禹之謨 金グレ 駭 本也臣餘生随質材朽功微陛下獎勵過深電錫 援 中 猜虐不前於中鬱埋底伏之氣宣强悍讒諛之説 扚 得獲賭殊觀接開至音目以熟賢稱其成武跪棒 顧循悚作實顧問旋奉戴內以為子孫藏恢演的官 而軼商 南以作誠 調 ķ バ 人は ,動心至於上下咸和君臣交儆僻 領準天地而懸日 紹唐虞而追蹤誠文教之極 巻 月五彩彰施而溢 邪無 而至治之 逾 自 目 厚 沢 而 涵

人の可能という 至 事 章論載年月未敢即定謹令圖畫進上仍請於碑首 日字建其下刻臣所上表疏伏蒙批表物語及所賜 首并序其碑首陰面伏請準起義堂領碑例刻年 面 懿鄉不顯游揚無極臣之所願也不勝竹懼 語庶使後之觀者尋其并連究其本末以知盛德 刻 以垂金石刻合者琢磨已就刊刻方施至於次序 ,作御製箴銘四字其下刻年號月日字建箴銘 山 西通志 É 個態之 號 臣 月

禮 多定四库全書 地十有三年於兹矣犬馬齒衰益深戀主葵藿將暮空 期 之無頌聲之作王道之始也國家自兵與之後不遑 而 臣備位方面守鎮海隅顧無理平之績很受增秩之崇 方岳未朝熊樂久缺臣限以一切之制例無朝集之 目不親朝廷之禮耳不聞宗廟之樂足不踐軒墀 太陽古人云日雖不為葵藿迴光然向之者誠也臣 不自愧者顏之厚也竊感江漢朝宗之義鹿鳴君臣 帥乞朝覲表 尾

朝 師 述職一不朝則點其爵再不朝則削其地三不朝以 也其或不朝則以禮讓之故孟子曰諸侯之朝天子曰 傳日朝以正班爵之義會以訓上下之則朝會者禮之 本也臣安敢忘故奉后四朝以明點防唐虞制也五歲 見以考制度殷周制也三載上計以會考課雨漢 在我馬身解日月願因朝謁一 泊泰滅右制罷侯置郡漢立王侯並建守相聖唐稽 移之然則諸侯朝會尊王室也可以廢食不可以 見漢儀亦臣之誠 麽 制

ていりうという

山西通志

主

事至元日也陳筐篚之貢集於朝堂唱其考第進賢以 古兼而用之故天下朝集三考一見皆以十月上計至 之臣故每忘寝與食思一入觀庶因微臣率先天下則 矣戎臣恃險未有悔過者矣臣忝聞外之寄竊憤不朝 與善簡不肖以點惡穆穆濟齊靡然成風太宗之遺政 於京師十一月禮見會於尚書省其朝覲也應考績之 君臣之義親而不政朝覲之禮廢而復興臣之幸也常 也自安史亂常始有專地者矣四方多故始有不朝者

多好四月百十

情 聖顏萬舞稱賀斯顧畢矣無任懇款屏營之至 是三者人之大願伏乞陛下憫臣丹懸許臣入朝再 昔公子年身在江海之上心馳魏闕之下則鄉 ソス 禄殃攀荐臻臣雖上恃天慈不殞瘴癘而下悲骨肉 又臣四年已来頻乞骸骨聖恩哀憫許為擇替無德而 恐負新之疾溢先朝露覲禮不展及於下泉臣之憂也 死丧及聞諸將帥亡沒亦衆臣自悼何德以堪久長 不忘也關庭者臣子之戀也朝覲者國家之大禮也 國者人

欠己日日人

山西通志

九

官責臣實事冊命之儀特賜停罷則素餐高位空負恥 懼無以弼指重此勞煩有靦面目伏乞天恩且課臣効 金月 に月 る書 罷命亦為便蕃前後三度已行此禮令臣猶參樞近竊 處士李源即故禮部尚書東都留守贈司徒忠烈公李 於中心弁冤輕車免譏請於眾口 伏以公台崇禮典冊盛儀庸臣當之實謂恭越况累承 薦李源表 辭平章軍國重事表 李德裕 廋

披露誠懸臣大馬之齒六十有七壽雖不長亦不為短 超未常登践隨僧一食已五十年其端心執孝無有不 臣去冬得疾近日加劇西夕之景豈能久留及其未亂 至抱此身節葉於王朝臣竊為陛下惜之 林佛寺本怪之墅也寺之正殿即怪之寢室源過殿必 自司股寺主簿絕心禄仕垂五十年暨於衰暮多依惠 怪之少子天與忠孝嗣兹貞烈以父死國難哀纏終身 代裴相公群官表 劉禹錫

た巴の甲白馬

山西通流

降 奄時 伏以三公非曠職之地宰相非臥理之官臣伏枕之 恨者遇聖明之君不得佐成太平之化自量氣力忽恐 招 位忝公台近十五年皆由際會非以才進常懼官謗 經時主思則深公議不可伏思陛下臨御之始宰臣四 C 國 有陳乞請能真食兼解貴階伏衆優鉛幾遂一事頻 中使慰勉再三專合御醫旦夕診視苟安名器不 則心有微素無附上達伏惟聖慈照鑒臨而察 刑令被病得死保其始終為幸甚厚豈復咨嗟所 初 2

金分

び、人ろする

٧g

欠足日東全島 | 臣伏奉三月十三日制除臣使持節柳州諸軍事守柳 **售以疾辭位者皆得致仕使其家居足以頤養既有成** 家養疾就間群禄或真有寒害盈福謙固是神理慎天 鎮獨得無恙竊持此理權位難居伏乞賜臣停官許在 眷網厚念以伏事多年臣之所陳未蒙便遂則國朝勲 例著於舊章伏望天思特賜哀允 人逮今零落忽已一半臣且危假餘年幾何惟易直外 柳州刺史謝上表 柳宗元

山西通志

圭

年 寒皇風不異於返邇聖澤無間於華夷庶答鴻恩以塞 臣官在禮司百察稱賀皆臣草奏臣以不慎交友旋及 士 州 餘罪無任感恩隕越喜懼之至謹遣軍事十將劉伯通 分憂之寄銘心鏤骨無報上天謹當宣布的係竭盡為 林德宗皇帝選於衆流擢列御史陛下嗣昼寶位微 刺史以六月二十七日到州上記臣早以文律參於 **訟里恩弘貸謫在善地累更大赦獲奉記追遠離** 一見宮闕親受朝命牧人遠方漸輕不宥之辜特奉 5

Ľ Ē

代柳公綽謝上任表

位陛下文明無運大關元献搜采眾才幸恭甄録歷踐 爵禄者爵以居有德禄以養有功臣本書生官不期達 肅恭休命晨夜趨程祇荷寵私不遑寢食臣聞古之制 外星霜屬移曾無消塵上答鴻造忘其薄陋委之雄 顧無級取之能謬恭澄清之寄將何以敷宣皇澤普

諭天慈唯當察恩以為防視俗而為教蠲除細故務安

次足の車公野

1

山西通志

潘

感戴驚惶殞越無地臣性本疎愚識惟褊狹早蒙採録 黎獻庶幾清净無機以慰遠人臣不勝忝冒荷思之至 金少口屋石雪 賜 移秩官察甲冗疎賤不能周慎自取悔尤猶蒙聖慈曲 今月二十八日到本州當日上記殊思收獎非次昇遷 臣 容貸尚加禄食出佐潯陽一志憂惶四年循省晝夜 以去年十二月十二日伏奉動旨授臣忠州刺史以 在翰林僅歷五年每知塵本竟無一字上答聖明及 忠州刺史謝上表 糸 ű vg 白居易

欽定四庫全書 往之至謹遣其官某乙奉表陳謝以間元和十四年三 遭遇已極况居符竹之寄樂幸實多誓當負剌慎正履 感深泣下方今准蔡底定兩河乂寧臣得為昇平之人 地遠仰首天高螻蟻之誠伏希憐緊無任感激懇款仿 春豈意天慈忽加詔命特從佐郡寵授專城喜極魂驚 月二十八日 冰勵節下安凋察上副爱勤未死之問期展微効跼 粮食未常敢安負霜枯葵雖思向日委風黃葉敢望需 H 美山 <u>-</u>

踰 棄逢陛下嗣位之後數月徵還生歸帝京罷在郎 失次臣謬因文學添厕班行自先朝黜官以来六年放 臣去年七月十四 惟 到 取襄漢路赴任水陸七千餘里晝夜奔馳以今月 本州當日上記上分憂寄內省庸虚仰天戴恩跼地 死擬將報恩旋屬邊隔不寧朝廷多事當性 知制語未周歲正投舍人出泥昼霄從骨生肉 刺史謝上表 日衆恩除授杭州刺史屬汴路未通 署 E

次定四車全書 蟻之誠難達無任感思懇切之至長慶二年 思苦心恭守招條勤恤人隱下蘇凋察上副憂勤萬分 官重恩深責輕欲答生成未知死所惟當風與夕陽焦 非土木如履冰泉合當鼎錢之誅尚忝藩宣之寄才小 期有補而退思事理多不合宜臣猶自知况在天鑒忝 之思冀酬一二仰天舉首望關馳心奏藿之志徒傾螻 旰食宵衣之日是微臣輸肝瀉膽之時雖進獻愚衷或 蘇 州刺史謝上表 TE! . 山. 两通 孟

勤 符獎筋具載於的中慶幸實生於望外况當今國用 敗 刺史臣以某月二十九日發東都今月五日到州當日 臣伏奉三月四日恩制授使持節蘇州諸軍事守蘇州 上記時當明盛寵在藩條祇命荷恩以感以懼伏 嗣膺悉數重造家區將致昇平在先政化詢求牧首 恤黎元實陛下慎選惟良之秋責成共理之日也臣 缺實無政能己衆罷祭入改官相今奉恩寄又分郡 陋早忝班行首自中書舍人出為杭州刺史幸免

Ų

巷

驚思深未答無任慚惶懇激之至謹差軍事散將某乙 奉表陳謝以聞 歲時之間微臣或希報効塵黷皇鑒吐露亦誠寵至空 之心布陛下慈和之澤則亭育之下疲人自當感思而 凤與焦心苦節惟諂係是守惟人瘼是求諭陛下憂勤 臣琐劣之才合當任使然既成命敢不誓心必擬夕惕 沃而尚勞人徒庶而未富宜擇循良之吏委以無終豈 出江南江南諸州蘇最為大兵數不少稅額至多土雖

次包里年全事

山两通志

Ī

節度託肺腸而三省覺魂魄之九飛懸款未申恩光存 之中已為饕竊立戎旃之下安所堪任前奉詔書除臣 金罗口馬名言 幸人若臣庸虚何足比數陷緣所職被服殊私居即吏 受感惕難勝臣昔為諸生所其微禄揣摩鉛鈍際會清 參佐等并賜臣官告在節龍命併臨祭光疊至欽承棒 今月七日中使尹偕至伏奉勅書手詔慰喻臣及將仕 伏惟皇帝陛下至德配天大明並日朝有多士國無 為太原鄭尚書謝賜旌節等表 令狐楚

歇定四車全書 保安四境和叶三軍灑帝澤於州問振皇威於邊境難 受度才非將雖天地所知禀令於君豈風塵敢犯誓當 降將軍之節委之刑賞許以便宜臣實何人忽蒙斯龍 安泰編綸言於實軸揮宸翰於綠牋既賜諸侯之旌又 劫拜受記伏以旌唯進善節以詰姦昔常傳聞今則祇 重如山壓薰若火炎無以為容不知自處謹以今日準 至使從天下拜迎而萬姓惟呼王在日中照臨而 酬天造庶竭臣心所守有限不獲陳謝無任感戴忭躍 . 山 . 两 . 选 主

宋 之至 元戎十乘莫伸汗馬之勞方令邊候多虞軍書尚警朝 居方鎮權兼節銀位峻台槐厚禄萬鍾深負素喰之愧 之臣明君不畜彼其之子載籍攸譏况臣爵為通侯任 臣開匈奴未賓去病以之辭第先零尚熾充國由是請 行臣雖至思常慕前烈輒兹披露甘俟誅夷竊以無用 有り 代陳州李相公陳情表 炭 楊 億

臣近者再貢封章備傾忠款忽奉優詔未賜允命俯僕 伏望陛下曲迴元造洞鑒丹誠許於我行之間乃至重 **展伏波之馬華庶畢乃心憤發由東航惶俟命** 難之處賜之驅策伴効疲駑焚老上之龍庭誓雖餘壁 用豈人言之可畏實思職以是爱每念及兹毛髮俱聳 間寄禽息鳥視徒自取於便安烽舉燧燔曾不思於劾 廷未得以高枕帷幄煩聞於運籌而臣世受國思身膺 第三表

欠足四事全書 一

山两通志

豢養况今谷展尚煩於旰晨邊睡未掃於機槍帷幄之 布覆壽負乘致寇必自取於顛擠懷安敗名實有孤於 見冒崇昭代而不能圖勲竹帛濟美箕裘但恃夤緣仰 式彼何人斯猶誓死於南越况臣職居連帥位冠列藩 大柿高牙任雄節制貂冠蟬冤地峻公卿台端無汗馬 逮事太祖契風雲之嘉會被雨露之殊私乃至延賞後 之勞竊禄有懸貆之請矧惟家世際會國朝爰念先臣 無從隕越於下竊以賈生一匹夫耳乃願繫於單于 グル ĸ

次定四車全書 述尤煩干冒宸嚴期於得請 廉頗膽氣未衰豈愧横行之樊噲誓約齋於絕漢願喋 血以鏖兵執金鼓以長驅隕鋒鏑而無恨憤悱斯極陳 何以塞與人之誦伏望陛下恕以再三之瀆鑒兹丹亦 况吞崇髙之位苟貪罷禄輒避征行何以報累朝之思 臣方圖於廟勝介肖之士咸願於身先如臣忠烈之餘 之誠俾執干戈以守方面况臣齒髮雖暮亦可强飯於 謝降鉛不允所請表 山西道志 きまれ

是忽降封泥之紹靡加罪戾曲示褒揚撫已無從戴恩 馬之誠蓋思報主犯雷霆之怒豈敢顧身方懷惟谷之 皆買勇爰述乃誠之慰迫兼陳奕世之夤緣以至徵前 固戎臣之思奮繁單于之頸孰不有心塞翎侯之旗人 軍之帥徒晏安於富肯實配厚於心顏屬邊戊之未寧 台之顯位賦禄至厚始踰干户之封衛社無功空忝三 彌 臣近者不自揣循輒傾愚瞽屢陳奏牘上扣天閣罄大 厚伏念臣倫才甚薄冒電居多領近輔之雄藩據中

次已四年全事 豈勝於陨越仰戴乾坤之造昌酹雨露之施 臣聞天尊地甲道之常也而乾下坤上謂之泰豈非陽 罪攸宜合正投荒之典豈謂陛下俯於僭越特示優容 之羞徒聲勤拳終成孟浪瀆尊不已既惟犯上之修獲 身先冒刃推鋒庶求於死所少塞素餐之誇免贻青史 **未寘金科曲碩芝檢八行唇占備極於丁寧一介微驅** 朝戚屬之家未當避一時軍旅之役披堅執銳必誓於 進瞻彼南山詩表 山西通志 司馬光

章 詩人歌頌其君之德多稱飲食飲燕之豐鐘皷完罄之 不下陰則無以行其施君不交臣則無以得其心是以 四 際舍此無以相交也雖然人君不以誠心加之則 彤弓曰我有嘉賓中心即之此言君臣之恩不由 者雖美無益也故鹿鳴曰我有古酒以無樂嘉賓之 車服旌旂之盛幣帛錫予之多蓋以君臣兄弟 閣悉名宰輔侍從之臣編觀瑞物及先帝御書御 也伏見陛下以十二月二十三日二十七日再幸 Ų 用月

詩命羣臣屬和又幸奉玉殿置酒作樂比暮而罷其酒 膚淪於骨髓固不侍飲食而先醉飽矣退而詠歌聖德 醪殺較羅花金器多出禁中於二十七日仍面諭羣臣 志者是以羣臣膏沐寵光被服德音熏蒸條鬯浹於肌 又加厚於前其所以勞來存撫羣臣莫非出於陛下之 今天下方無事母惜盡醉以稱朕意是日凡為燕之具 以前日之熊辨於造次未盡朕心故欲重與卿等為樂 又幸寶文閣親為飛白書并御墨紙筆以賜羣臣又賦

处已四年公号

山西通点

型十

金分口月至言 流布四方開者無不咨嗟歎息以為陛下之於羣臣可 燕賜予固己多矣未有如今日之歡欣感激深厚切至 益萬分莫敢愛也竊以羣臣前後受陛下爵位原禄變 為無負而羣臣實負陛下多矣苟有可以死於其職補 上下如一 陛下加之誠心而已矣陛下方将推廣此心以被天下 至於朝廷之政進賢退不肖賞善罰惡無不盡誠以求 之臣見四海之内如殿堂之上無不沉酣於茂思饜飫 者其故何哉此非外物豐行所能致也正由

次包里主書 人 源遠則流大本固則兼繁是以由古及今臣畜四海未 臣聞聖人之德莫加於孝猶江河之有源草木之有本 隨表上進文采鄙野不自揣度羞污盛時伏惟陛下察 於盛德矣不勝鼓舞抃蹈之至謹成瞻彼南山詩七章 發於自然動静云為必咨訓典起居出入不忘先烈以 有孝不先隆而能宣昭功化者也伏惟陛下純孝之性 其在簡而裁其罪罰馬 進古文孝經指解表 .山西通志 罕

所 太宗皇帝所以芟夷僭亂混一九圍澶州者真宗皇帝 為滁州者太祖皇帝所以禽馘姦桀肇開王迹幷州者 四海夫以陛下天授之資爱敬之志而又念夫百官者 無不至矣經口愛敬盡於事親而德教加於百姓刑於 勤 有司分建原廟圖續聖容躬題扁榜嚴奉之禮備盡恭 祖宗之百官不可以私非其人府庫者祖宗之府庫不 羽衛供帳率從豐行兹有以見陛下尊顯祖宗之意 以攘却貪殘億寧華夏皆大敷懿業成靈所存遂命

グロルノニ

百

火足四年心馬 妄以所聞為之指解雖才識稱淺無能發明庶幾因聖 慎之重之益自做戒如是則為無不成求無不給榮名 服草木禽魚靡不茂豫此誠孝徳之極致也臣愚幸得 之彰炳如日月基緒之固魏如泰山黎民人安四夷懷 人之言得少關省覽則糞土之臣榮願足矣其古文孝 秦舊書傳註遺逸孤學埋做不絕如緩是敢不自揆量 補文館之缺以經史為職竊親秘閣所藏古文孝經先 山西通志

可以賞非其功法令者祖宗之法令不可以罰非其罪

史學病其煩冗常欲刪取其要為編年一書力簿道悠 金分に周る書 三年盡秦二世三年史記之外參以化書於七國與亡 臣講求古訓臣有先所述通志八卷起周威烈王二十 之迹大畧可見文理迁疎無足觀采不敢自匿謹繕寫 久而未就今兹伏遇陛下丕承基緒留意統文開延儒 指解一卷謹隨表奉進以開 .聞治亂之原古今同體載在方冊不可不思臣少好 進通志表

隨表上進 謝賜資治通鑑序表

一篇者臣性識為鈍學問空淺偶自幼齡粗涉羣史常

伏蒙聖恩令臣讀所修資治通鑑仍面賜御製御書序

於奏御之餘內閣圖書從其假借之便未遑汗簡已泣 若稽古道博采微言俾摭舊聞遂伸微志尚方紙墨分 功大力薄任重道悠徒懷寸心行將白首伏遇先皇帝 欲矣去無雜發揮精傷窮探治亂之迹上助聖明之鑑

17

- 1

- 欠足四年全

成受部所為不敢不上鈴次無法抵牾實多仰污覽觀 遺弓陛下祇服駿命丕承前烈臣以屬稿有緒不可不 金りせん 始伴參經史之末迨此清閒命之進讀而又序其本原 造端立意愚臣不能自言陛下一賜指陳渙然水釋 瀕 於化書焜焜於羣下特發殊恩不用常例屬當勸 冠於篇帙發言為典肆筆成書炳蔚互變如虎豹之明 須罪戾豈謂陛下放其在簡賞其專勤思所以在其 噩無涯逾商周之盛况復褒貶是非古人有所未至 1.1.1 ķ ā C) 講之

久己日早 白馬 選固皆推高一時播美千載未有親屈帝文特行宸翰 臣實何人克堪此語若乃嘉文宣以作則援貞觀而為 於博而得其要簡而周於事典刑之總會冊牘之淵林 末照依日月以永存草木常名附天地而不朽臣不任 蕃汽澤獨專後世之榮退自揣循始無容措遂使監燐 曲炭與飾大振輝光如臣樸椒小才固非先賢之比便 師 怒款之至 兹實生民之福豈伊微臣之幸竊以周之南董漢之 J, 西通志 雪田

重り四月 顄 臣才非適用學不知方被遇三朝本塵二禁污天光之 <u> 虞報罷鞋聰垂聽亟沐頌恩祇荷寬優伏增就悸伏念</u> 伏奉勅命宜令再任提舉西京崇福宫者囊奏上陳始 沉疴仍再領於祠庭遂十更於歲篇頃自受命先帝俾 府 問侍經席之從容亦皆委總憲司託無報稱擢陪樞 **舊聞速陛下之鑽圖發德音而繼至而臣攜豪在外** 不敢切居剖竹雅都沒聞於治效分臺洛邑幸養於 謝 提舉崇福官表 有量 ĕ

僥倖以兹多臣敢不深戒宴安祇勤夙夜 畢精擬述圖 慙四體之不勤而史學細書實寸陰之是惜惟先溝壑 遂其生雨露新霑或一夫獨被其澤惟嗣愚之無狀容 私蓋特出於異恩故不拘於常法乾坤至大雖萬物皆 陛下大德包荒至明燭遠罔責再三之賣曲垂開可之 奏編未經盖簡冊之治繁致歲時之淹久雖官守無事 而靡遑尚或無厭復求自便輒披私懇輕冒宸嚴豈謂 負恩私久去班行顧其他而無補坐康禄原當自訟

東定四車全書

、山西通志

四九

報生成 自りに 出人下獨於前史粗當盡心自幼至老嘴之不厭每思 先奉動編集歷代君臣事迹又奉聖古賜名資治通鑑 遷固以来文字繁多自布衣之士讀之不偏况於人主 今已了畢者伏念臣性識愚魯學術荒疎凡百事為皆 進資治通鑑表 G

要專取關國家與衰繁生民休戚善可為法惡可為戒

日有萬幾何暇周覽臣當不自揆欲刪削冗長舉撮機

崇文院置局許借龍圖天章閣三館秘閣書籍賜以 古事用恢張大猷爰詔下臣俾之編集臣夙告所願 欠足口戶入馬 膺大統欽承先志寵以冠序賜之嘉名每開經筵嘗令 朝獲伸踢躍奉承惟懼不稱先帝仍命自選辟官屬於 者為編年一書使先後有偷精粗不雜私家力薄無由 之禁近臣莫及不幸書未進御先帝違棄羣臣陛下紹 府筆墨繪帛及御前錢以供果餌以內臣為承受養遇 可成伏遇英宗皇帝資睿智之性數文明之治思歷覽 御

d 雨

更

簡牘盈積治如煙海扶擿幽隐校計毫釐上起戰國下 報塞尚智力所及豈敢有達會差知永與軍以衰疾不 進讀臣雖頑愚荷兩朝知待如此其厚間身喪元未足 終五代凡一千三百六十二年修成二百九十四卷又 慮窮竭所有日力不足繼之以夜編閱書史旁采小説 局自隨給之禄秩不責職業臣既無他事得以研精極 留司御史臺及提舉嵩山崇福官前後六任乃聽以書 任 をり 治劇乞就完官陛下俯從所欲曲賜容養差判西京 v

界與事目年經國鮮以備檢尋為目録三十卷又參考 塵少裨海岳臣今筋骸雅疼目視昏近齒牙無幾神識 雖身處於外區區之心朝夕寤寐何當不在陛下左右 四卷自治平開局追令始成歲月淹久其間抵牾不敢 羣書評具同異俾歸一塗為考異三十卷合三百五十 衰耗目前所為旋踵遗忘臣之精力盡於此書伏望陛 自保罪負之重固無所逃重念臣違離關庭十有五年 てこり シートラ 以為寒無施而可是以專事欽槧用酬大思庶竭涓 山西風表 四十七

覽監前世之與衰考當今之得失嘉善於惡取是捨非足 術學迁疎仰膺簡注之隆進備酮詣之職適及始生之 垂卷多物分頌拜賜惟優汗顏有砚伏念臣器能淺陋 伏蒙聖慈以臣生日特降詔書賜臣米麵羊酒者至仁 福則臣雖委骨九泉志願永畢矣謹奉表陳進以聞 以懋稽古之盛德躋無前之至治俾四海羣生咸蒙其 下寬具妄作之誅察其願忠之意以清閒之燕時賜省 上太皇太后謝賜生日禮物表

多好四月左書

家慶澤以自天此蓋伏遇坤厚東容母慈廣被重近司 くこう きょう 典學性好觀書豈止求之多閒實欲輔之自得然萬幾 而進御寵以匪領何彼下臣遠需優赐恭惟陛下生 陆 所生無恭敢忘夙夜之勤來事可為益圖忠義之報 之責任推異數以前官特加飯原之儀以示龍光之屋 旦復叨厚下之恩及養無因感的勞於茲日致禮有秩 政願治乃聖主之用心受記修書皆儒臣之能事成 謝賜資治通鑑表 山西通志 張舜民

萃三館之圖書許自群官用資檢討量加常俸不賣課 叢委載籍紛繁自學者不得編窺况人主何暇周**覽**思 龍之無數如山之包草木鳥獸之難名披分畎會之末 **姦完褒崇善良網羅奉言囊括舊史如海之藏珍怪魚** 程上下馳騁於數千載之間出入將隨於十九年之內 其間明君良臣箴規議論切磨之精語名將循史方畧 有所述煩難其人醫若人哉莫如光者給尚方之筆礼 係教魁梧之偉功休咎庶徵之原天人相與之際扶摘

多好四月在書

舊物退收鉛縣之做功開卷涕流拜嘉汗浹此乃伏遇 際會已極丹青何父子之論亡忽悲風露豈謂門牆之 以賜名製序而冠其篇端鏤板而布之天下仰君臣之 資彼治原捨兹安出神宗皇帝欽講筵而進讀揮宸翰 <u> 嗤卒成一代之書仰副兩朝之志揭為通鑑時則弗迷</u> 流蔽映彫蟲之小技旅遊東國常屢嘆於斯文留滯終 南遂克終於先業雖古者興亡事迹固已燦然而光之 筋力精神於此盡矣尚苦言官之督責熟語俚俗之諺

处已日東心島 一

山西通光

野九

遺與草賢而樂共儲無儋石曾非敖水之憂家有賜書 清之與伏遇太皇太后教寧大業持載為民安所實之 陛下聰明迪祖宵旰思皇留神於乙夜之勤訪問於西 金りでたんご 唇思之從欲撫衰志以知崇伏惟太皇太后厚德無疆 **稽留君命敢求免於刑誅惠養老臣不使勞其筋力仰** 留作子孫之實 檢慈格無疆之壽考遠追三點坐振四維顧一介之靡 代文路公謝太皇太后表 万

REDIPLES T 唐 立不偶爾尚足於祭 遵豆販奔之事徒有心哉而禮樂大備之時為後死者 則天下之本屬在元良歷選前修謁尋往傳伏惟殿下 臣聞位隆載鼎居之者匪易業峻承祧守之者為重何 之威德思及草木喜同天人臣幸以餘虧獲逢盛旦雖 至仁在上神孫臨祭知保依之聖功多士充庭見肅雍 諫皇太子牋 山两通点 降元超

由 畫堂凝社幼彰岐嶷雕宮挺膚夙擅温文大孝因心不 金り 三善無忘四伤率土蒼生幸甚見去年之内數召學士 正 開恭聞喜雖實百恒品區區所望惟願盛德日 知之量振古莫傷比者監守務殷親覽政事所關視聽 斷 於外凝深仁植學性禀於自然故能書曆景福式光 入討論經籍亹磨不倦此之令問播於通遊在外 緒皇基永固宸構克昌加以識瞻機物天姿獨秀生 V. 如流凡有朝野食論歸美况臣委質問陛齒跡宫 がたと言 新屬兹

畋獵崔季珪進而諫曰盤於遊田書之所誠魯侯觀魚 此 淺未足以發明雅訓求之史傳請揚雅而言焉昔漢苑 て、 うし 招賢高軒洞敞曹園愛客飛盖連陰此乃副君之侍士 者能不欣然令夏己来接對遂簡講藝之道有謝曩時 春秋機之周孔之格言二經之明義也深惟儲副以身 也亦有推心鄭泉每付於認詢降禮桓崇用承於誨命 臣之事君在於無隱敢緣兹義輒獻思忠但臣知識庸 則 副君之尊師也魏太祖征并州留太子在鄰頗出 ·: i Į, 内角を F.

子答云省所陳明卿等動静數示此則副君之納諫不 以為嫌者也非獨一時之美事固亦干載之芳猷且思 庶子温崎中舍人劉故諫馬射曰臣聞千金之子猶不 垂堂以萬乘之貳若有駭腳之艱豈可不熟念殿下縱 **矣畢亦去馬師傅之言實獲我心晉明帝之在東宫中** 捐畢以塞衆望太子報曰昨奉嘉命廣開正路翳已壞 為實今忽馳騖陵險誠有識者所以側心惟太子燔翳 日之娱忘萬代之基凡人循知其不可况在聖明太

多好四库全書

百八十

變雖悔何追如户奴等色非是一種或及逆之裔或破 地草 人已可良公子 電擁太阿之劍氣駭斧星截輕禽逐狡兔倘有衝勒之 始復出遊適以上副聖懷非徇盤遊之樂固以苑围之 車駕發後天慈許入苑内臣竊惟殿下之意既承思旨 馬近取諸身足為深鑑又陛下仁孝之德開於四海自 · 鏡殿下昔在藩邸時以打毬為戲當此之日已經墜 **些豫防著於易象樂不可極陳之禮經列聖典謨可為** 樹極深絕燈危橋往往而有控纖離之馬影踰流 3 山两通志

亡之餘夷狄遺醜東在其數家計兇謀理難懸測忽有 逢驚佚做致毀傷豈不上胎二聖之憂下乖兆人之望 春匹夫尚知爱其身體儲后之尊何可以不慎馬倘馬 之子春曰君子跬步不敢忘孝之道是以有憂色也子 也故樂正子春下堂傷足數月不出猶有憂色弟子問 سالا 潛身騎會侍衛不虞白龍魚服事出處表臣每一思至 魂爽飛越夫為人子者不登高不臨深恐近於危辱 打毯彫射深是危機天后所賜誠書殷勤至切網

銀分で月月月

次定四重全書 之交一言相託尚有懷知己之遇街國士之思殿下數 忠規機務之餘遊心墳籍瑩襟靈於藝圃散耳目於書 隱逸草澤高人捻萃春坊冀朝夕設對採其匡贊廣納 津莫不延頸企踵恩承顧盼皆願縣肝膽露款誠布衣 林披帙横經克勤無怠此之至戒亦何不思殿下敦崇 羅今古罕得名言竊循旨要在於循懷虚己書云山林 存接引與其切磋道義竭忠進善必日有異聞則玉裕 術闡楊文藝爰置學士獎拔人物應斯舉者若登龍 . 山西道志

顔 學 使 文成吐鳳此亦一時之奇觀可以深處怡神預在官僚 郹 戒序景物 彌 知自 一殘功前 張君 筆力轉道仍請逐月一兩度總與學士因為設食 人各中其勢業鉤深理窟者思憤懷蛟摭實詞 光金聲自遠頃日時景炎爝不敢望以引名今高 効便辟取容者疎之正直不撓者親之棄不急 相 京素明莊老命之談說能暢玄風殿下假 者别 新凉伏乞聽政餘間留情墳典所讀班史請 勑 賜 物 本錄殿下書進時請臨池染 ソス 條 温 者

重

Ų

3

õ

施 若 盛 心靈不揆設開輕陳短見庶同纖壒敢類涓埃所冀增 不敢失墜二則挹古人遺範有所發揮豈不美數豈不 إ 之務而省遊娛絕無益之然而敦節儉以儒墨為城 山之高裸海之間臣基頓首謹言 稍 敷殿 預需於品物丘山之恩久越於涯疾懼速官務問宴 翔其際以禮義為干櫓棲息其間一則遵天后誠書 加引納實廣德音臣曲荷財成濫蒙委任雲雨之 下居養德之辰天下屬望聰明春智何所不察

てこり 見んよう

山西南

五高

山西通志卷一百八十四				事为 以月 有言
ハ十四				卷一百八十四

欽定四庫全書山西通志卷一百八十五

史部

詳校官給事中臣王鍾健 檢討臣徳生覆勘

校對官編修臣沈清藥 總校官進士臣朱 **腾録監生臣馮萬程** 鈴

為功速至晚世董仲舒言道德見好于公孫弘李廣奮 27.10 1 7.1. 欽定四庫全書 帝之明而魏尚之忠絕之以法則為罪施之以德則 伏念高祖之略而陳平之謀毀之則疏譽之則親以 一西通志卷 割子奏疏二. 山西通志

節于匈奴見排於衙青此忠臣之常所為流涕也臣行 之先祖以忠貞之故成私門之禍而臣行後遭擾攘之 自惟微賤之臣上無無知之薦下無馬唐之說之董生 多定四牌全書 之才寡李廣之勢而欲免讒口濟怨嫌豈不難哉臣行 嫌疑故敢與交通與知臣之貧数欲本業之臣自惟無 三益之才不敢處三損之地固讓而不受之昔在更始 即無房掠之心衛尉陰與敬慎周密內自修初外遠 值兵革之際不敢回行求時之利事君無傾邪之謀 卷一百八十

學做缺防心經熟情存博聞故異端競進近有司請置 臣聞主不稽古無以承天臣不述舊無以奉君陛下愍 關之下惶恐自陳以救罪尤 益富貴易為善質賤難為功也疏遠隴畝之臣無望高 今曹清明之時筋躬立行之秋而怨雠叢與譏議横 太原執貨財之柄居倉卒之間據位食禄二十餘年 財產歲來居處日貧家無布帛之積出無與馬之節於 久足四年文售 **殿立左氏春秋博士疏** 山西通志

之弗叛矣夫夫學而不約必叛道也顏淵曰博我以文 秋之家又有鄉夾如令左氏費氏得置博士萬氏鄉夾 左氏春秋復以比類亦希置立京費已行次復萬氏春 約我以禮孔子可謂知教顏淵可謂善學矣老子曰學 不從則失人將恐陛下必有厭倦之聽孔子曰博學約 五經奇與並復求立各有所執乖戾分争從之則失道 京氏易博士羣下執事英能據正京氏既立費氏怨望 近日損損猶約也又曰絕學無憂絕末學也令費左二

金りい人名言

装一百

Jı

學無有本師而多及異先帝前世有疑於此故京氏雖 次記四東全旨 已天下之事所以具者以不一本也易曰天下之動貞 已久孔子尚周流遊觀至於知命自衛及魯迺正雅 害也已傳曰問疑傳疑聞信傳信而充舜之道存 朝復 見廢疑道不可由疑事不可行詩書之作其來 講禮樂不修奏立左費非政急務孔子曰攻乎異端 陛下草創天下紀綱未定雖設學官無有弟子詩書 下疑先帝之所疑信先帝之所信以示及本明不專 山西通志

者艾經學深明而臣不以時退與恭並立深知羌學又 左氏之失凡十四事 夫一也又曰正其本萬事理五經之本自孔子始謹奏 開 不能達輕員二老無顏於世誦而不行知而不言不可 臣 重クリ 晉 與博士梁恭山陽太守呂羌俱修梁丘易二臣年 口以為人師願推博士以避恭羌 讓博士疏 ķ. 白 ĥ 访立

論餘風中間漸染遂計資定品使天下觀望唯以居位 ただりまとか 造也鄉邑清議不拘爵位褒貶所加足為勸勵猶是鄉 考詳無地故立九品之制粗 具一時選用之本耳其始 虚求故還修其身是以崇賢而俗益穆點惡而行彌寫 問伍之政足以相檢詢事考言必得其善人知名不可 昔聖王崇賢舉善而教用使朝廷德讓野無邪行誠以 則鄉舉里選者先王之令典也自兹以降此法陵遅 復鄉舉里選疏 山西通志 璀

矣今除九品則宜难古制使朝廷共相舉任於出才之! 並濟人知善否之教不在交追即華競自息各求於己 縣之軍即以居長盡除中正九品之制使舉善進才各 無復懸客遠屬捉王者如此則同鄉鄰伍皆為邑里郡 末法一擬古制以王斷定自公卿以下皆以所居為正 其弊不細今九域同規大化方始臣等以為宜皆蕩除 為貴人棄徳而忍道業争多少於錐刀之末傷損風俗 鄉論然則下敬其上人安其教俗與政俱清化與法 金グセルタラー

卷一百八十五

ė たいりまない 林共為東宫官屬世林少得好名州里瞻敬及其年老 路既博且可以属進賢之公心竅在位之明閣誠令典 書乃實訓誠臣吞端右而以疾患禮敬廢替猶謂可有 臣曾祖父魏司空界白牋於文皇帝曰昔與南陽宗世 之年不為此公婆娑之事情古慷慨深所鄙薄雖是牋 汲自勵恐見廢棄時人咸共 笑之若天假其壽致仕 こ歸老疏 山西通志 述

業成有敦詩閱禮之德我昭果毅之威故能振豐功於 陛下略臣大愆錄臣小善猥蒙天恩光受殊寵顯以蟬 冕之荣崇以上將之位伏省詔書五情飛越臣聞晉文 差理日復一日而年衰疾痼水無復瞻華幄之期之奉 先誠歸老丘園 金万匹周石重 卻毅 為元帥而定霸功高祖以韓信為大將而成 南拓洪基於河北况臣凡陋擬蹤前哲俯懼折鼎 謝拜大將軍疏 卷一百八 琨

での日 見るから 謁者史蘭殿中中郎王春等繼至奉詔臣俯尋聖旨伏 循庶幾所以冒承寵命者實欲沒身報國極死自効 於渑池皆能因敗為成以功補過陛下有過之恩已隆 在覆飲昔曹沫三北而收功於柯盟馮與垂翅而奮異 以致命冠場盡其臣節至於寵荣之施非言解所謝又 光升區宇於既頹崇社稷於已替四海之內肇有上 飲淚臣聞夷險流行古今代有陛下龍姿日茂啟質 臣自新之善不立臣雖不逮預聞前訓恭讓之節臣 山西通志 要

蒸嘗之敬在心桑梓之思未克臣備位歷年才質爲下 雖身膏野草無恨黃墟陛下偏恩過隆曲蒙雅拔遂授 臣前表上聞敢緣愚款乞奉先朝之班尚存偏師之職 無殪戎之績而有負乘之累當肆刑書以明點陟是以 丘山之縣已彰毫釐之效未著項以時宜權假位號竟 下九服之萌復覩典制伏惟陛下蒙塵於外越在秦郊 將位兼常伯征討之務得從事宜拜命驚惶五情 其三敗之您沒其一功之用得聘志虜場快意大逆

金月四月百里

卷一

百八十五

悸懼於隕越以為朝羞昔中胥不徇伯舉而成公壻 北 勝受恩至深謹拜表陳聞 ていしりと という 其 其於放堅執鋭致身冠響所謂天地之施羣生莫謝不 民爱物何者比來守令年期既促歲責有成益謂猛濟 周 伍負不從城父而濟入郢之庸臣雖碩凶無覬古 崇治方竊惟今之在官者多求清身克濟不至惠 陳特宜疏略 山西通志 樂 Ł ゾ徐

東政人習通違先王朝憲備行民成識法但可宜風正 子當以亦子遇之宜在舒疾得中不使勞擾頃承魏之 為賢未甚優養此政既代後者復然夫政之於民過急 徳 則 奔楚子海之曰無 適小國言以政狹法峻將不汝容敬 刻薄傷緩則弛慢是以周失舒緩秦敗急酷民非 治興文武政穆成康自斯厥後不能無事昔申侯將 納民軌訓而已自非軍旅之中何用過為迫切至於 邦致治事由德教漸以成之非在倉卒竊謂姬周盛 赤

動员四月在書

十 丘

奇巧臣誠恐物逐好移有損政俗如此等事頗宜禁省 薄終使禍亂交興比來朝貴器服稍華百工造作務盡 歸就樂土其二省造作頃者魏都洛陽一時殷盛貴勢 記言無作淫巧以為上心傳稱宮室崇侈民力彫散漢 之家各營第宅車服器玩皆向奢靡世逐浮競人習澆 景有云黄金珠玉饑不可食寒不可衣彫文刻鏤傷農 久當慕息肩若不布政優優聞諸境外何以使彼劳民 入齊稱曰幸若獲有及於寬政然關東諸州淪陷 E

たこり直入時

山西通志

楢 與眾共之有明揚之授使人得盡心如觀白日其材有 矣然國家非為軍戒器用時事要須而造者皆徒費功 事者也錦繡篆組害女工者也以二者為餞寒之本源 大功易舉其三明選舉選曹賞錄數賢補擬官爵以宜 力 金月四月全書 集鄉問况天下選曹不取物望若選置州都自可內 降其功有厚海禄秩所加無容不審即如州都選置 損國害民未如廣勸農桑以衣食為務使國儲豐積 此外付曹銓者既非機事何足可密人生處世以荣 • K. 6 ۲

次定四車全書 以庇民非恃强也夫力均勢敵則進徳者勝君子道長 宜貪利在邊輕為與動提則勞兵分守敗則所損已多 國家雖强洋不受弱詩云德則不競何憚於病唯德可 後若一行非當或成彼利誠應捨小管大先保封城不 先迷未敗擁逼山東事切肘脫譬猶恭却相持争行先 禄為重修身履行以暴身為名然还時既難失時為易 物稱悦其四重戰伐魏祚告終天滕在德而高洋稱 其選置之日宜令聚心明白然後呈奏使功勤見知 山西通志 僭 品

裝婢隸作車後儀容服飾華美炫耀街衛仍使行者 報足 勝彼行暴戾我則寬仁彼為刻薄我必惠化德澤旁流 帛之妾所以勵俗也比來富室之家為意稍廣無不資 人有貴賤物有等差用之有節品類之有度馬后為天 則 下母而身服大練所以率下也季孫相三君矣家無衣 人思有道然後觀察而作可以集事其五禁奢侈按禮 小人道消故昔之善戰者先為不可勝以待敵之可 《傾益論其輸力公家未若介胄之士然其坐受爵

賞有踰攻戰之人縱令不惜功費豈不有虧厥徳必有 隋 間 爱也必以分人詩言豈曰無衣與子同稅皆所以取 CA. 10.51 1.17 **倘為未盡何者取人受言貴在顯用若納而不顯是而** 儲蓄之餘孰與務恤軍士魯莊公有云衣服所安不 力也又陳事上議之徒亦應不少當有上徹天聴者未 用則言之者或寡矣 是非陛下雖念存物議欲盡天下之情而天下之情 山屿通志 +

詐 銀匠匠原有書 臣聞帝王受命建學制禮故能移既往之風成維新之 容非朝野之願以致於此晚世因循遂成布慕俗化浇 禮之制衣冠民庶莫月用心世事所以未清軌物由兹 弊流蕩忘反自非天然上哲挺生於時則儒雅之道經 而壞伏惟陛下禀靈上帝受命是天合三陽之期膺干 自魏道將謝分割九區關右山東久為戰國各逞權 俱狗干戈賦侵繁重刑政嚴急益救焚掘溺無暇從 勸學行禮疏 卷一百八十 却

ころこり ここう 禮教猶微是知百姓之心未能頓變仰惟深思遠慮清 祀之運往者周室頹毀區宇沸騰聖策風行神謀電發 節文故以三百三千事高前代然下土黎獻尚未盡行 若行禮勸學道教相催必當靡然向風不遠而就家知 念下民漸被以儉使至於道臣恐業淹事緩動延年世 臣謬家與策從政藩部人庶軌儀實見多關儒風以隆 端坐廊廟荡滌萬方俯順幽明君臨四海擇萬古之典 無善不為改百王之弊無惡不盡至若因情緣義為其 山西直志

出參館釋之務則內臣外事職分各殊切在塞侵官之 察使刺史送相監臨臺中又有御史充館驛使專察過 唐 禮節人識義方比屋可封輔謂非遠 其所犯重加段點敢不惕懼日夜属精若令官聞之臣 關伏知近有敗事上聞聖聰但明示科條督責官吏據 館驛之務每驛皆有專知官畿內有京北尹外道有觀 銀分四層全書 諫遣內臣疏

スコンコーラ からう 今日 來未有斯美臣愚以為全生免死誠為至化有恥且 源絕出位之漸事有不便必誠以初令或有妨不必在 全其性命流窜而已所以政致刑措獄無冤人曠古以 伏以聖恩天覆仁育庶類凡死罪之犯不欲尸諸市 大當掃靜妖氛之日開太平至理之風澂本正名實在 訓將來苟有未安不敢緘點臣以為刺史縣令與諸 諫刺史縣令不宜杖辱疏 山西通志 **耒耀卿** 朝

俗之意 哀憐忘其免死之恩且有傷心之痛恐非故官長勸風 史百姓所崇一 致敬決杖者五刑之末只施於杖扑徒隸之問官蔭稍 金月口月百量 吏稍别人之父母風化所瞻一為本部長官即合終身 法至於死天下共之刑至於辱或有所恥况本州 ,即免鞭撻今洪杖贖死誠則已優解體受笞事煩 論劉從諫求為留後疏 朝對其人吏背眷加杖屈挫拘執人或 T 為 刺

未當久典兵馬威惠未加於人又北道素貧非時必無 兵機尚速威斷貴定人情未一乃可伐謀劉悟已死數 程赴鎮從諫未及布置新使已至潞州所謂先意奪人 優賞今朝廷但速除近澤路一將充貼義節度使令兼 設使從諫撓朝命其將士必不從今朝廷久無處分彼 不盡與從諫同謀縱使其半叶同尚有其半效順從諫 之心也新使既至軍心自有所繫從諫無位何名主張 月朝廷尚未處分中外人意共惜事機令昭義兵衆必

次定四車全書 一

山西迫志

諫已禁山東三州軍士不許自蓄兵刀足明羣心殊未 萬無違拒設不從命臣亦以為不假攻討何則臣聞從 續除劉從諫一刺史從諫既粗有所得必且擇利 數軍士與望尤難指揮伏望速賜裁斷仍先下明初宣 别更除人猶豫之間若有姦人為之畫策虛張賞該錢 軍不晓朝廷之意欲效順則恐忽授從諫欲同惡則恐 示軍衆獎其從來忠節賜新使繪五十萬匹使之賞該 帳下之士亦在不疑熟計利害決無即投從諫之 而行

角シに

てハナる

大己日中心的 1 宋 理 備軍食則於太原非不盡力然為我有者益有不足也 方今海內一家朝野無事關聖慮者豈不以河東新平 納米專典皆自山後轉搬以援河東以臣料契丹能自 屯兵尚衆幽燕未下輦運為勞以生 靈為念丹臣每料 之此不足慮也自河東初降臣即權知忻州捕得契丹 諫北征劄子 山西通志 張齊賢

而 家守要害增壁壘左控右扼疆事甚嚴恩信己行民心 頓失 擾邊則守備可虞而反保境偷生畏威自固及國 河東初平人心未固嵐憲忻代未有軍寨入寇則田 多分で月石電 得人但使峻壘深溝畜力養銳以逸自處寧我制人此 巳定乃於雁門陽武來争小利此則戎狄之智力可料 重之謹之則戎虜不足吞燕薊不足取自古疆場之 知也取人舉事動在萬全百戰百勝不若不戰而勝 非盡由戎狄亦多邊吏擾而致之若緣邊諸寨撫御 卷一百八十五 牧

夷狄外也是知五帝三王未有不先根本者也克舜之 本而後末安內以養外人民本也夷狄末也中夏內也 心豈止乎争尺寸之事角夷狄之勢而已是故聖人先 安月投諸死地而為冠哉臣又聞家六合者以天下為 廣務農積穀以實邊用且戎狄之心固亦有擇利避害 減則河北之民獲休息矣民獲休息則田業增而蠶織 任力不及任人如是則邊鄙寧邊鄙寧則輦運減輦運 李牧所以稱良將於趙用此術也所謂擇卒未如擇將

たいり 日本 14年の

山西通志

生民疾苦見之如不見聞之如不聞斂怨速尤無大於 之術侵苦窮民以為功能者彼為此效相習已久至於 之心真克舜也臣所慮羣臣所聞多以纖微之利勉下 利之民既安利則戎狄敏衽而至矣陛下爱民利天下 道無他馬廣推恩於天下之民雨推恩者何在乎安而 毎月せ 此伏望謹擇通儒分路採訪兩浙江南荆湖西川河東 利通濟可經久而行為聖朝定法除去舊數天下諸州 有偽命日賦斂苛重者改而正之因而利之使賦稅課 人人 趃 õ 八十 Æ

章文武以至德要道孝治天下臣令朝於尚書諸篇中 よんにしている」という 之南壁張孝經圖出入觀覽有以見陛下祖述克舜憲 臣伏以皇帝陛下問日御邇英閣令講官講尚書又閣 之與屈膝在術內爾 德懷遠以惠利民則幽燕竊地之醜沙漠偷生之 虜擒 加典憲使天下耳目皆知陛 下之心戴陛下之惠此以 有不便於民事委長吏問奏如敢循常不以聞白當嚴 進尚書孝經解劉子 山西通志 文彦博 十六一

以下記於周舉其宏綱撮其機要典該訓誥之文凡百 間之時研究義味或時令講官節錄疏義進入上資聖 節錄十篇及孝經諸章中節錄六章進上以備禁中清 祖述實為大訓恭以皇帝陛下聰明文思稽考古道日 白以其上古之書謂之尚書然則後代聖帝明王莫不 篇所以恢宏至道示人主以軌範也帝王之制坦然明 史籍之煩文懼覽之者不一遂乃討論墳典斷自唐虞 **德稽古求治之意臣伏讀尚書序云孔子生於周末觀**

金为口屋有言

卷一百

篇别有後序所以發明本篇之大首所其便於己夜之 篇采其切於資益聖治宜於重複温故者凡十篇錄進 御頭英延訪經義方命講官講解尚書孜孜不倦所以 用厚生允釐百工庶績咸熙斯皆後世聖帝明王所宜 平章百姓協和萬邦分命義和典掌四時使民務農利 宏網撮機要之理如篇之所載者克明峻德以親九族 觀克典克之聖德荡蕩難名而此篇極簡要亦仲尼舉 聖徳日新比隆克舜臣以叨侍經筵輒於尚書三十二

大三日山 山地

山西通志

盛不可及矣篇之所載命禹作司空而下至於四岳十 四凶人而天下咸服故曰舜 有大功二十 兹所以重華 二牧官得其人庶績成治流放共工職兜竄三苗殛 虞舜之德重華協帝故列於二典後世作者雖三王 之 祖述而模範之臨文而三復之故摘其目以叙之舜典 金分匹母台電 有后克艱厥后臣克艱厥臣罔遊於逸問淫於樂任賢 故矢厥謨咸厥功曰俞曰都乃名倡臣和之美其誤則 協帝大禹謨禹稷阜陶共事舜帝君臣同寅成有一徳 卷 百百 鯀

以成聖功舜禹之所以為聖帝明王以此阜陶謨皐陶 勿貳去和勿疑罔啡百姓以從已之欲斯皆上下交做 修思永禹拜昌言曰前皇陶曰在知人在安民知人則 曰允與厥德謨明弼皆禹曰俞如何卑陶曰都慎厥身 議之協恭後王所宜為法益稷謨此篇所載禹戒舜曰 哲能官人安民則惠黎民懷之臣以舜禹之時君臣誤 火足可上上 康命曰吁臣哉鄰哉鄰哉臣哉禹曰帝庸作歌曰元首 慎乃在位帝曰俞然禹言受其成禹曰安汝止惟幾惟 山西通志

深戒伊訓篇云鳴呼先王肇修人紀從諫弗哪先民時 矣有臣如此時君固當尊禮其人信受其訓洪範天地 不善降之百殃臣以尹之斯言爱其君忠於國可謂至 若居上克明為下克忠惟上帝不常作善降之百祥作 **散胜哉股脏情哉萬事隳哉帝拜曰俞臣謂斯言可為** 之大法其類有九而敬用五事曰貌言視聽思兹乃人 金罗巴尼名言言 不慎也故臣以此篇五事為重無逸此篇問公以戒成 君尤當慎 思之益人君言動則左右史書之為法不可 敖 一百八 十五

王曰君子所其無逸先知称稱之艱難文王不敢盤於 周官王曰若昔大猷制治於未亂保邦於未危唐虞稽 吉士葢有天下國家所切者任人得賢則治非賢則亂 逸圖置於禁中出入省覽以為龜鑑臣亦嘗錄此篇為 遊於田故成王服其訓戒乃為令王至唐開元中作無 遊田以庶那惟正之供自今嗣王其無淫於觀於逸於 曰王左右常伯常任準人自令立政其勿以愈人其惟 圖以進以助聖覽伏望曲留春意立政周公告於成王

火に日上上を

山西通志

十九一

覽有以見仁祖孝徳在躬推廣以及天下恭惟皇帝陛 古建官百夏商官倍亦克用又明王立政不惟其官惟 下天資聖徳行在孝經嘗聞令講官備錄經義進於禁 中有仁祖命學士祭襄所書孝經圖張於南壁以便觀 懷推賢讓能庶官乃和不和政歷舉能其官惟爾之能 其人又戒庶官欽乃攸司慎乃出令以公滅私民其允 金石口及石電 王所宜詳慎孝經圖臣以官忝師保得侍過英伏親閣 ,非其人惟爾不任成王稽古建官為治之本後之帝 惎 ъ 八十

遇恩而况臣菲才寒進孤立無黨獨家陛下誤聽特力 事無大小而必言者益酬陛下拔擢耳陛下欲開諫諍 直憲宗不悦宰相李絳對曰居易所以不避死亡之誅 臣讀唐史見白居易為翰林學士因事進諫諫語甚切 中臣伏望陛下日省而時思之 之路不宜阻居易之言憲宗曰卿言是也由是言多聽 約臣以居易被憲宗拔擢纔為學士能盡忠極諫以報 請繼上奏封細陳事理疏

大巴日年台生 一

山西通志

賢 哲 豈陳平所謂宰相者上佐天子理陰陽順四時外 體以此為宰相職業正所謂素發尸禄殿殿小謹而 所奏覆者率多咒細事務常程文書徒煩睿聽無益治 逾二年略無謀献上禅神聖雖則日奉天顏常親黼 四夷使卿大夫各得任其職之義乎房喬杜 推位至宰相犬馬之誠堅於報主然自待罪兩府已 5. 有武藝謀略才堪撫衆者任其邊事有經明德修 相太宗猶常責之曰公為宰相當須開耳目求訪賢 がる言言 起一百八 Б 如晦 唐之 鎮撫 座

C . 19 12 . 2.20 或未詳盡臣常觀唐宰相趙憬奏章欲上疏論事其略 至仁未忍以大義責成而臣獨不內愧於心乎臣復自 為切務推誠納諫為至德臣愚不能上副聖意而陛下 益也比聞聽受詞訟日不暇給安能助朕求賢哉斯言 務有學通古今職達政術者任以治人此乃宰相之神 性明悟者任其侍臣有明幹清慰處事公平者任以劇 念性本朴忠言多蹇拙幸得進對咫尺天威凡所敷陳 之責誠為至當臣每侍丹展累聞徳音常以求賢致治 山西通志 ニナー

漬煩甚言略則利害不分竊聞貞觀開元之際宰輔論 盡事理有所未周即欲繼上奏封細陳理道上裨睿聖 事或多上書所其獲盡情理時德宗嘉納之今臣之愚 多分で厚全書 乞留中不出惟真聖慈特賜詳擇 曰稽顏丹陛仰對宸嚴蹇納易窮遽數難辯理詳 猶憬之志此後有面陳口奏頃刻之間或蹇納有所未 納之動下盡假臣區區之為固不敢妄陳偏見亦不 乞令校定資治通鑑所寫稽古録劄子 司馬光 則塵

治天下者安可以不稽古我伏見皇帝陛下初開經筵 博非一日二日所能偏閱而周知所以提其綱目撮其 先講論語讀祖宗寶訓論語記孔子之言行寶訓述祖 以來帝王之盛者無如堯舜書稱其徳皆曰稽古然則 臣開史者令之所以知古後之所以知先是故人主不 之事臣愚以為亦不可不知也顧以年祀悠遠載籍浩 宗之聖謀誠為從學之要然國家未有天下以前帝王 可以不觀史善者可以為法不善者可以為戒自生民

大三日日之言 ·

山西通志

帝時當米獵經史上自周威烈王二十三年下盡周世 精英然後可以見治亂存亡之大略也臣先於英宗皇 附於國史臣今更討論經史上自伏義下至周威烈王 隆元年至治平四年各記大事於上方書成上之有詔 卷謂之歴年圖上之所以省煩文便觀覺臣又於神宗 行為一重五重為一卷凡一千三百六十二年共成五 宗顯徳六年略舉每年大事編次為圖年為一行六十 皇帝時受詔修國朝百官公卿表臣依司馬遷法自建 金月口屋有電 巻一百八十五

定臣所編修資治通鑑見有筆吏及紙札等物伏望聖 未有書可讀欲乞且取臣此書進讀仍今侍讀官隨文 繕寫校對說先次上進候將來讀祖宗寶訓了日若別 慈特降指揮許臣并上件稽古錄送祖禹等令就本局 華 寫見先有聖旨令秘書省正字范祖禹等就本省校 稽古錄欲繕寓奏御而私家少得筆吏恐日近不能了 二十二年略序大要以補二書之關合為二十卷名曰 解釋則前王軌轍皆可緊見庶幾足以資稽古之萬一

に 日日日上 一

山西通志

多岁也人人自 本司尋曾奏乞於間慢路分抽差令奉樞密院劄子奉 輔聖性之聰明取進止元祐元年月日 急乞差人夫兵士應副功役本司為轄下例各關人已 聖吉如委實人數不足即仰抽差一千人者雖蒙朝廷 臣近准朝古令於河北差兵士二十人往岢嵐軍修城 許減一十人伏緣本路除祁瀛定雄霸等州見關修城 兵士外近又節次據滄博州狀申為河水汎漲向著緊 乞免差人往岢風軍築城割子 巻ー ガハナ 歐陽修


欠已四直合与 請朝廷必未深罪其如於事有關在官之職不敢不言 見役處罷役仍住岢嵐縱河北事有關惧緣臣已有奏 緣本路實為闕人處多令若朝廷須令差撥即將轄下 本路實有兵數不少臣亦豈敢自私一路妄有占留只 州軍應急抽那臣非不知河北河東俱係邊防路分若 於鄰路抽差應副次令準朝首令依前降指揮於近便 即見於諸州軍劉刷例各無可抽差方欲奏聞乞朝廷 牒滄州如河水大段汎漲令應急量差人夫功役博州 山西通志 一十四

處分學七百已上人禁軍别立指揮各要營房及敵棚 處各有人數河上既不可抽那若抽河北修城兵士與 路差人次兼本路役兵多惟河上及修城西山採木等 來夏末秋初必大段漲溫本司方別具奏乞於京東西 况今年前河水勢不類常年即今五月已汎漲如此將 功後內抽人即轄下例各別無閒占之人可差伏乞朝 樓子防城器用並是緊切不可關用之物若不於逐處 河東修城又兩處事體不異而西山採木益為即今諸

Ų

15 /11

有八十五



城池將原計工料及見役人數亦須五六年方了今若 縱有事宜必先河北河北重地莫如定州今定州所修 河北差一十人往彼遠涉一千五百里山險到彼卒未 五百餘里據明鎬元奏稱向去二十二箇月方了今縱 了當將來冬月岢嵐苦寒後兵各須歸營歇泊令一干 又出天門關經憲州飛為軍入洪谷方至岢嵐約一 金贝贝及名言 往來三千里苦寒山路必致大段迎亡作賊况北虜 抽減人往彼是即河北完緝禦備全然廢弛况除定 ŧ. 一百

岢嵐修城功限比定州全小路分事宜緊慢又與河北 益以北屬即今别無事宜一二年間幸可漸次了當今 全少如去成岩旦夕逐州更有申報須至煩朝廷乞人 **黃河今年水勢甚大於去年令春朝廷差別河上兵士** 不同亦未銷得遠涉三千里於緊切處抽人所有德博 年内期可了當本司非不能張皇事體煩贖朝廷乞人 州外瀛雄祁霸等州修城處亦須向秋兼用强壯一

大心口面在

外所有諸處修城功役雖見闕人本司亦當斟量事體

山西通志

ニナ六

行取進止 樂之後羣臣便以皇嗣為言五六 年間言者雖多而未 緊慢只於本路漸次修革惟乞朝廷體即更不抽 臣伏見龍圖閣直學士司馬光徳性淳正學術通明自 別路庶免本路闕惧其抽差一十人劄子臣亦未敢施 金发巴及石膏 有定議最後光以諫官極論其事數陳激切感動主聴 侍從久司諫諍謹言嘉語著在兩朝自仁宗至和 薦司馬光劄子 巷 ð 7. 槉 服 往

光於國有功為不淺矣可謂社稷之臣也而其識慮深 先定故得天下帖然今以聖繼聖遂傳陛下由是言之 子曾未踰年仁宗奄垂萬國先帝人承大統盖以人心 仁宗豁然開悟遂決不疑由是先帝選自宗藩入為皇 遠性尤慎密光既不自言故人亦無知者臣以忝在政 節隱而未彰臣既詳知不敢不奏 府因得備聞其事臣而不言是謂蔽賢掩善詩云無言 酬無徳不報光今雖在侍從日承眷待而其也國大

大足四月六十二

山西通志

主

侵使而已方今議和之使正在賊中苟一言不合則忿 見已勾追照對臣伏見國家兵與以來五六年所得邊 臣風聞邊臣張亢近為使過公用錢見在陝西置院根 公用錢必不似萬宗古故意偷謾不過失於點檢致誤 重罗 勘 宗諒 其勘官所取干連人甚果亦聞狄青會隨張亢入界 惟狄青种世衡二人而已其忠勇材武不可與張亢 ロルノニード 論乞不勘狄青侵公用錢劄子 例待之臣料青本武人不知法律縱有使過 * Ð ハナ

乞朝廷特賜寬貸邊臣知無功之将犯法必誅要藉之 賊 之人與常人一例推鞠一旦之人誤事則悔不可追伏 將張亢一宗事節依公根勘不得枝蔓勾追其秋青縱 有干連仍乞持與免勘臣與邊臣本無干涉豈有爱憎 兩人可惜因些小公用錢於此要人之除自將青等為 兵為患必至侵追謹備過防正籍勇將况如青者無三 但處勘官只希朝廷意吉不顧邊上事機將國家難 拘 囚使賊聞之以為得計伏望特降指揮元勘官只 得

九月日草台店

山西通志

聖吉指揮下河東路候臣到彼不得令官吏及諸色人 害竊慮州縣未體朝廷之意因而掩擾臣今欲乞特降 臣準物差往河東學畫糧草合有起請事件令具畫一 金月里五百里 出城迎送及不得作樂筵席 如後 一臣伏詳勅吉本為河東民力困之差臣擘畫利 人以能贖過則人人自勵将見成功取進止 路經久利害竊緣河東地方闊遠山川險絕竊處僻 畫一起請割子 卷一 百 臣準動計置學畫河東 łį.

糧草稿緣一路州縣賦租户口兵馬錢帛及公私財用 臣今欲乞許臣採問官吏就近台與相見所貴詢訪兵 彼處民情事體者或往不當驛路守官致臣無由見得 利害要見本末文字竊慮所在不畫時應副仍乞指揮 暫差勾當 一臣所授勅只是與轉運司計置學畫邊上 遠之處不能遍至又緣本路文武官吏不少內有久諳 民利病仍慮有合行事件亦乞於本路選擇幹事官員 一路州軍凡有取家文字並令畫時應副 一臣伏見國

欠巴马声合写 一

山西道志

十九

臣华勅差往河東路計置經久利害伏見新授寧州 院畫一條目付臣施行取進止 草外竊慮更有可以因便勾當事件伏乞令中書樞密 未服施行者乞於中書樞密院檢尋所上文字付臣看 家自兵與以來言事之人多陳利害竊慮有前後上文 字入內有陳河東一路事宜所言大體利害詳明朝廷 到彼參驗利害可否回日間奏 一臣准勒除學畫糧 辟郭固隨行劄子 卷一百八十 LC O LOT VIANO 事 北界地名大 柳谷銀瓮口與蕃族相殺契丹累敗折 衆修城堀壕凡所與為則有蹤跡 臣 随行候臣回日令一面發赴本任如允臣所請乞降朝 近差充涇原路參謀見未赴任臣令欲乞暫將帶本人 掅 昨在河東聞北處事宜說者多端而少實其後兵動 推官郭固熟知沿邊兵民利害會隨韓琦奉使陝西 揮 論西北事宜劄子 取進止 山西通志 非三月四月之間 丰 於

事以此言之不可信也契丹若寇邊鄙當先自河北不 夾山小族及與契州立為大敵但恐元昊點羌不為此 争則屈己事鄰乃其常理二虜自來未聞雾隙而忽納 同 主将数人見今抄點中軍秋冬必大交戰此亦說者多 多月に足るす 可信自西賊叛我以來更事契丹甚謹益已與中國交 欲合而攻我此一事則說者雖多而以人情料之皆不 又云西賊見在河灣會劉寨兵馬尤多或云二虜詐謀 而不虛惟云夾山部落叛歸元昊契丹與西賊相攻 S K 百八十

ここり こころい 不及河東此其不可信者也然北戎抄點人馬聲張已 數百里之路崎嶇勞師入吾險固以此而言是西賊必 **虜不可窺則得計矣其密為禦備次第臣令具管見畫** 久令漸向秋必已聚集邊臣但見虜兵聚在界上不得 **吞險地是北虜必不攻河東矣西城二年之間累次遣** 應便出河東若云出吾不意則兵器未成必未突然入 不至驚疑惟在朝廷料敵制謀養威持重不為輕發使 人通好國家過當許物已多今盟約垂成而忽借契丹 山西通志 Ŧ

敵人自相攻耳然虜兵在我境上不可不為支準惟當 多万匹 周百十二 至憲州亦然今以兵屯竹并而應援代州屯嵐憲而應 持重以待未宜輕便若寇至而大集窮邊虛成自擾但 竹嵐等兵擊之此用兵之法也如此則屬來不失應敵 訓兵練卒於并所嵐憲屯結以俟太原去忻州一日半 可至忻州去代州一日半可至嵐州去岢嵐一日中可 一如後 一據今事宜不問北虜攻夾城與元昊但不過 卷一百八十五

自遣一員上京支請便令自監修補其諸州木羽箭臣 不及欲乞日只支與沿邊州軍仍乞選差幹事官逐州 壞臣亦知京中筋勝角絕少然若遍支與諸州軍即恐 縱支得即角短筋碎不堪使用久無物料修治是致廢 數枝可施用者問其何故云為省司惜筋膠支請不得 不來不至虛驚其代州岢嵐但用去年防秋兵數可矣 沿邊州軍器械全然不堪臣昨到彼見逐處弓弩無十 惟治器械擇將即此非倉卒可辨宜急為之具一河東

飲定四車全書

·西通志

手二

老情不濟事臣方欲到京奏乞替却近知已差張亢然 裹小處知州鈴轄別選差人 一代州諸寨主監押三十 德與 却充并代鈴轄只此職亦非德與所堪乞與一近 又數目不多亦乞委官揀點修換一代州知州康德與 掉不至或箭頭卷折不入甲此乃臨陣惧事之物十無 餘員內無三四人能幹而晚事者伏乞早行替換仍乞 會逐色用草人被甲去三十步以硬弩射之或箭幹飛 一二堪者惟舊竹箭雖翎損鏃生秀然射之亦能入甲 卷一百 につり うしょう 濟伏乞檢會臣前奏施行取進止 淺須合增城浚濠乞降指揮下河東那打白草廂軍及 到恐處事未盡合宜又緯必非前嵐久住之人其米光 主监押 一岢嵐軍地接草城川口無險可恃而城小豪 本軍係役兵士早併力修葺臣會兩狀奏乞米光濬且 於近日臣秦準密院劉子舉到堪充将領人內差充寨 令知軍益光濟已知彼中次第當事宜之際若李緝作 論宣毅萬勝等兵劉子 山西通志 三十二

舊法外亦有自為新陣者大抵只是齊得進退不亂行 與未精緩急堪與不堪陣敵使與者臣尋至諸州軍令 軍體量諸軍指揮自來學習武藝并教閱戰陣次第精 等弓弩拍試漸次亦當精熟然而主将不一器械不精 主兵官吏依常式教閱觀其精粗所用陣法除四官陣 臣昨准劫差往河東續準樞密院劄子奉聖古所到州 金好也個分言 射親最為實藝見今經略司分差主將諸州巡教以三 伍而已諸處所較不多其陣法則皆未可用惟有踏 卷一百 硬

兵臣今先具起請如後 一臣勘會河東駐泊禁兵六十 器械此二事條目甚多容臣續具畫一其宣毅萬勝等 内駐泊兵三萬餘人惟萬勝最多最不精本路就糧禁 兵六萬餘人惟宣殺最多最不精臣令欲乞定主将精 此二事須更別為制置其諸軍禁兵共九萬五千餘人 ここりしたら 河東已及二年其射親路硬弩比初到則漸 一百餘人當初抬募倉卒不能精擇此中外共知 '指揮共三萬二千餘人內萬勝二十指揮一萬一千 山西道 丰富 惯 熟但其 自 到

京師差換三百料錢禁軍充足一萬人數抵替萬勝抽 外五寨緣請受既大於他軍則重難倫次須至差撥其 臣勘會河東本路就糧禁兵共一百四十九指揮六萬 在廂軍三萬人數內棟少壯有勇力者增置清邊及於 使喚乃不及下軍緩急常憂敗惧臣今欲乞於河東見 多异四周全書 人大小強怯不等又不耐辛苦其事藝勉力不及河東 回兼其人到河東已二年餘人各有辛苦思歸之意 下清邊而料錢請受與最上神衛等見在多差在河 卷一百八十五

差在巡檢下及諸處便不教閱臣令欲乞將見在宣毅 十 餘人呈教尚亦生球威勝軍两指 教訓至今全未堪使吸臣到澤州有一指揮只揀出 たこり 三 八十 月 委河東都轉運使親至諸州將短小怯弱者先揀退 二千七百餘人內宣毅四十四指揮二萬二百餘人 不成次第問之云差出近方歸本營益河東多將宣毅 坚力 毅招揀不精無異萬勝惟河東稍勝諸路益土人天 性 勇耐辛苦然終是不及自找軍者其農夫生梗難以 山西通志 揮內一指 揮 然色 宣 九

<u>:</u> +<u>F</u>

到慶歷三年一年都收支錢數約度用度多少及探問 錢事奉聖百相度利害開奏者臣尋至河東取索晉澤 臣準中書衙子備録臣察四狀並為上言河東大小鐵 府軍其餘堪教者不得差往巡檢下及防河寨栅不教 二州 閱處再令逐州軍教一二年必漸可用 民用鐵錢便與不便令具利害畫一如後 一見在大 鑄錢監及諸州軍見使鐵錢數又將都轉運司供 乞罷鐵錢劄子

金月口眉有重

太

晉州小錢計用四萬六千貫足陌銅錢官本鑄成一十 千餘貫本得二十七萬餘貫利其利約一十五倍有餘 千八百餘貫當二十八萬八千餘貫銅錢凡用一萬七 私行用 一大小鐵錢官本及淨利數目晉州大錢計 七百餘貫是大小鐵錢未及六十萬貫銅錢數見在官 百餘貫小鐵錢自起鑄至目下共鑄到一十一萬七千 一萬七千八百餘貫省陌銅錢官本鑄成大錢二萬八 鐵錢数大鐵錢自起鑄至目下共鑄到四萬四千

改定四車全書 周

山西通点

貫省 萬 餘貫淨利其利一倍有餘澤州大錢計用六千四百 本得三十餘貫利其利两倍 數實收諸雜課利客便賣鹽幣斗秤夏秋稅出雜 一萬 十貫省陌銅錢官本鑄成四千餘貫凡用九百餘貫 Ð 餘貫銅錢凡用六千四百餘貫本得一十五萬三千 餘貫利其利二十三倍有餘澤州小錢計用九 陌 四千五百餘貫凡用四萬六千貫本得六萬八 銅錢官本鑄成大錢一萬六千餘貫當一十六 都轉運司一年支收錢 百 餘

イジェノヤ

卷一百

十五

賣足吊絲綿銀進納雜收等錢二百一十七萬二千二 萬二十餘貫實支一百九十九萬八千餘貫是每歲只 將河東一路實收錢支遣自足外尚有一十七萬四千 運司慶歷三年一年支次實數比算實收二百一十七 謹具如前臣令相度大小鐵錢其可廢者有五據都轉 若本雜支等錢一百九十九 萬八千 四百一十四貫 右 獄空祭神地里脚錢買羊馬糧草客便招軍人戶和雜 百三十貫實支係隨衣添支特支料錢旬設公使園忌

大足马巨人后

山西通志

ニトン

於黃白術雖有死刑不能禁止臣昨在河東於提刑司 取索得犯私錢人數已五火自臣出界後又續供到 者不絕其大錢利既博至二十餘倍議者皆謂其利 計算其利甚薄不過一倍略將鑄造工課約算兩監逐 餘貫刺數其大小鐵錢可以罷鑄一也小鐵錢將本利 金罗巴匠石電 約六萬貫為官本外以獲淨利十萬貫若罷大錢而 日 小錢是一歲為十萬貫錢而壞銅錢舊法陷民刑戮 共鑄不過四百貫文一歲不過鑄得十六萬貫內除 卷一百 ハナ丘

以髙價市貴物是官私久遠害深其可罷四也臣勘會 既人幣輕物貴惟姦民盗鑄者獲利而良民與官中常 以超死若貸其死則犯者愈多急於捕察則良民一例 捕察又不可縱之又不可以此而言其可罷三也用之 掛擾縱而緩禁則民不勝姦是深法不可緩法又不可 捉獲二火是小錢利薄不足鑄大錢犯法者日漸多皆 河東十九州軍凡四十九處舠新開沽酒務據轉運司 可以罷鑄二也今開厚利之門而致人死法則誘愚民

次足の自己的

山西通志

多不比陝西事體其大小鐵錢伏乞特罷鑄造行用取 官私鐵錢共不過六十萬數既未多能之甚易况河東 利人之數漸多用物之兵日減此其可能五也令見在 收貯見移於府州入中日近明錦又減放馬軍歸京是 又麟州元許入中七萬石斛野昨來為入中數多無處 供到每月約收二萬貫有餘計一歲合得二十四萬貫 一路二十二州軍瞻廂禁兵共十二三萬略計所關不 金罗以及人 卷一百 八十五

秋税支移数目勘算得今年博雅解即可以減放和 糧米諸寒各有糧不少兼臣將慶歷三年轉運司拋配 臣昨至河東體訪一路百姓貧弊勞擾本為河外麟府 放次第令具畫一如後 一河外麟州見有三年糧府州 可以不支過河如此則少給民困大息怨嗟其科配減 州見在兵馬糧可支三年府州見有一十三萬石不支 二州關少軍糧遂於近裏二十州軍遞相支配今來麟 乞免諸州一年支移劄子

次に日本人特

山西通志

於保德軍送約一去年并析分遼路晉絲澤石隰慈等 餘石往保德軍送納今來河外既不支移那得并忻等 二州送納今來河外糧斛已多上件九州軍和雅只乞 萬石 一去年并所嵐憲石州岢嵐火山寧化保德等軍 凡九處和雅斛母共十四萬二千餘石支往河外麟 金万里月八四十 九州軍和雅十四萬石於保徳州納則此十三處博雅 兵士見於河南保德軍請給府州見有不支糧一十 三 "威勝平定軍九十三處博羅斛卦共一十七萬六千 卷一百 五 府

進止 之際可與漢之歌向張衛郎顗之徒為此致之朝廷可 臣昨奉初差往河東伏見澤州進士劉義史有純模之 火已日年之言 一 備顧問伏乞特賜台試或不如所舉臣甘當朝典全取 行為鄉里所稱博涉經史明於治亂其學通天人禍 乞減樂平縣課額割子 舉劉義斐衙子 山西通志 中 福

租额只及二千八百餘貫亦會差遼州知州孟濟定奪 課利無由起辦本軍亦曾中奏乞行減額省司下轉運 并州在縣只有居民百餘户人烟既少客旅不來酒稅 士四指揮軍營在縣自慶歷三年三月內移起軍營往 臣昨至河東據平定軍知樂平縣孫直方狀為本縣酒 及轉運司保明申省省司指揮勒本縣收起課利不得 税課利錢舊額四十一百餘貫本縣不當驛路舊有兵 金女に見る言い 保明尋蒙轉運司令將起移軍管後一年比較重立 卷一百八十五

絕少實難起辦課利見今專副等逐月逐季逐年各有 臣伏見河東百姓科配最重者額定和雅糧草五百萬 比較決責未當虚日及虚令監官殿降考第臣今欲乞 減額臣勘會平定軍樂平縣最處孤僻若無軍管人戶 欠日日日上午 重監被刑監官虚負疑罰取進止 內所次課利立為租額與免售額虚數所貴專副不至 特降動百下轉運司令自起卻樂平縣軍營後來一年 乞減放逃戸和雅答子 山西通志

錢三十內二十折得朽惡下色茶草價大約類此遂致 二三百姓每於邊上約米一斗用錢三百丈而官支價 自兵與數年糧草之價數倍陽貴而官支價直十分無 石住時所雜之物官支價直不虧百姓盡得茶絲見錢 金少四人人 與開閣稅則戶長陪約和雅則村戶均攤已逃者既破 百姓貧困逃移而州縣例不申舉其本戶二稅和雜不 狀其一村有逃及一半人户者尚納全村和雜舊額均 其家而未逃者科配日重臣至代州崞縣累據百姓陳 松 石

欠に日日上台 定數目並與衙閣候招輕得人戶歸業各令依舊均 軍係有和雅處檢括已逃人户其逐戶下二稅和雜額 狀自陳所貴重困之民免此重監科配 令欲乞下轉運司差清幹官三两人於并代等十五州 配與見在人臣兼會差大理寺丞史譚檢得風州平夷 仍許諸縣人户見均攤著和耀及户長陪納逃稅者 縣已逃未檢人戶共四十一戶諸州似此者甚眾臣 條列文武官材能劄子 山西通志 19

列如後 書球財善撫士然未經戰陣內疑承制那質沉厚有勇 文武官共二十五人各有所長堪備任使今具姓名條 智謀善戰百勝察主折繼長有勇好戰自立功權鎮川 副使王吉臣已有論薦禮賓副使張品河西人有武勇 善用兵累經戰陣北作坊使田朏有勇累戰有功崇義 臣昨奉初差往河來體量得一路官吏才能善惡其問 堡陳懷順府州人有勇好戰麟州兵馬都監田與有勇 戰将八人緩急可以使與如京使孟元知兵

金万口尼人言言

太一百

† L 者九人著作佐郎知平定軍樂平縣事孫直方代州崞 舉知保德軍劉承嗣建寧寨主陳胎兼有勇好戰未經 對善大夫吳中廣幹 一知縣今州縣職官中材幹可用 **陶勤幹屯田員外郎麟州通判孫預清勤保徳軍通判** 殿中丞董污清潔勤於吏事寧化軍通判大理寺丞武 防差使并州通判秘書丞張日用通晓民事 嵐州通判 行陣 岢嵐軍五谷巡檢夏侯合 一通判中五人可以升 好戰 一武臣中材幹者三人計風軍使米光溶已會為

たっしりはんは

山西通志

四十二

|處中路州屯田縣令張曜縣尉王荀龍大理寺丞知并 取刈白草數目雖多然其害不淺臣所過州軍皆稱白 臣昨至河東問得去年轉運司學畫於諸州軍差兵士 伏乞聖百送中書樞密院記錄姓名差使今取進止 知榆次縣吳天常守盛軍嵐谷縣尉安吉右謹具如前 州陽曲縣事張景儉知并州太谷縣張伯玉大理寺丞 乞罷刈白草割子

縣令王旭府州簽署判官公事史譚絳州稷山縣令劉

卷一百

۲

金月日月有電

户耕種惟荒閉草地去人絕遠無又不多兵士收刈搬 草為患益河東山險地土平闊處少高山峻坂並無人 12 12 12 12 12 15 W 支與軍人銀馬不及稈草又皆不樂及草場中不耐停 以將科草送納非次更成一重科配其納下真白草者 兵及村民配数搬擔百姓備見遠搬卒苦裏費又多遂 擔地理闊遠工課不辦其兵士往往逃亡州縣遂差鄉 補城壁諸般工役處處闕人不便事多臣今略舉數事 留專副有損爛陪填之患無虚占卻雜役兵士諸處修 山西通志 9+0

如後 官步奏官承符手力諸色公人等入山收刈到逐旋搬 必是大段損爛不堪經久存留委是詣實 一臣昨六月 運赴場送納積疊收管其上件山白草若經今夏雨水 去年八月已後至年終本州及外縣鎮差兵士并散從 政等下山白草共四萬七千五百六十四束内在州每 金月四月月月 餘束約得向去八年零七箇月支遣其上件山白草自 月約支三百一十三束及外縣寨每月約支一百四十 一據遼州狀分析勘會在州及外縣寨專副楊曰

中旬內至保德軍聞得本處白草差百姓公人搬擔至 人只有九百餘人入後收刈到草九萬二千九百餘東 无差兵士一千三十八人至放散日逃士一百三十 六 於請白草兵士處旋買納官每一肽子三百文省事頗 爛因採問得村外白草已並無其差配著擔草人户却 今未了疑其白草是去年秋間刈下積露田野必須損 一據岢嵐軍状自八月二日起首至十月三日住止

てこりえ ハンラ

將軍人請受諸般錢物計七千三百七十二貫文若比

山西通志

型五

轉運司已抽晉終兵士稱於沿邊刈草竊恐即今已下 兵士刈草本軍為兵士卒苦逃亡及自縊者一月申四 手收刈乞早降指揮放散況勘會本路一年秋稅和雜 列伏乞特降朝古速令止絕緣臣昨七月初離汾州見 送納右具如前其諸州軍各稱白草不便不能一一 條 五十人遂放散兵士差兩縣村民往往只將稈草送納 算買草價錢每束及七十九文省 銀牙四周至書 竹州亦為刈下無人搬擔配與百姓人戶亦多將稈草 百八 一平定軍元差宣毅

縣城郭人户分為十等差科當定户之時繁其官吏能 年馬軍抽減歸京後馬數少於去年其科草等數必不 10.19 m Lika 繁重今兵未能減用未能節但當即其貧困稍得均平 臣昨見河東人民疲敢道路怨嗟益自兵革一興調斂 至闕少今取進止 等草共五百餘萬束慶歷三年一年以支四百餘萬今 則民力粗寬怨嗟可息往時因為臣寮起請将天下州 乞免浮客及下等人户差科劄子 山屿通志 四十六

并容户亦定十等者州縣大小省富既各不同而等第 不問貧窮孙老盡充十等者有以将主戶為十等者有 非其人是小處貧民常苦重斂河東諸州并州最大遼 差科之間又由官吏臨時均配就中僻小州縣官吏多 否有只將堪任差配人户定為十等者有將城邑之民 州人户累有詞狀遂牒本州據州狀稱檢估得第之等 州最小并州客戶不入等第遼州盡入等第臣昨至遼 户高榮家業共直十四貫文省其人賣松明為活第

新玩四月全書 ·

一个欲乞特降朝百下河東路一縣將貧民下戶減放差 業九貫文第四等一户開餅店為活日掠房錢六文其 等人戶內有賣水賣柴及孙老婦人不能自存者並一 得則他處豈可不免益由官吏臨時均配是致不均臣 例科配臣勘會慶歷三年一年諸州軍科配惟并遼州 餘嵐憲等州岢嵐寧化等軍並係僻小凋殘之處其十 五等一户韓嗣家業二十七貫文第八等一户韓秘家 火山軍二處第九第十兩等人戶免得配率若并州免

たこの単一十二

山西通志

臣今欲相度并晉終浴澤等六州在河東物力比他 第七等今河東除并遼火山三處外並差配下及十等 放免一臣體問得河北陝西二路州縣科配止於第六 於主戸尚堪差配遼州荒僻與近邊州都不同乞特與 浮客充等第者緣彼處浮客當屯兵之地經營物力過 類并州特與放免等第其岢嵐保德軍風竹等州亦有 州最小縣郭浮客盡充等第臣令欲乞將遼州客戶此 配令具畫一如後 一并州最大在城浮客不入等第遼

金月口月百書

第八第九第十三等人户並乞特與放免差配取進止 士陸詢武有才勇父在邊上累曾隨諸將戰關乞朝廷 都監田朏崇儀副使麟府路都監王吉等六狀各為進 轄張 九內殿承制并代州都監都質供備庫使并代州 **濬西京作坊使并代州鈴轄王凱四方館使并代州鈴** 臣昨奉使河東得西頭供奉官并代州駐泊都監米光 州富實其第九第十兩等人戶乞與免差配其餘州軍 舉陸詢武劉子

欠巴四百合言

山两通志

臣近曾有劉子奏舉河東路提點刑獄張古乞超換 止 効如後本人犯入已贓及不如舉狀並甘同罪今 取進 奉職或縣尉名目安排令於邊防或內地多賊縣分展 通習兵書馬弓馬有材勇伏乞朝廷特賜收錄與一 錄用臣亦曾召詢武詢問其人曾應進士舉熟知邊事 近上使額替王凱勾當麟府路軍馬公事無奏舉平定 金シセトと言 論舉官未行劄子 瑟一百 t E

魚臣並是同罪保舉伏望朝廷特加信納其張首孫直 患以為知州通判非人不能早察軍情制於未亂朝廷 朝廷推用臣伏見近日保州兵士作過與國家生一大 軍知樂平縣孫直方堪充代州通判替李舜元各未尝 乔在两制奉朝命巡行追那所見官吏能否合有陳列 以此可為鑒戒王凱在河外不得軍民之情及李舜元 らこりき たれる 不晚邊都事體臣所舉張音孫直方並無僥倖但以臣 方早與升擢移換 山西通志 四十九

政臣以謂監牧之設法制具存修目既繁弊病亦衆若 者幸蒙朝廷因言事之官有所陳述選差臣察相度更 官司失守積習成與匪止一時前後因循重於改作今 臣所領羣牧司近準宣差吳中後王安石王陶等同共 多近世月全書 祇坐按文籍 就加增損恐不足以深華 弊源如欲大為 相度監牧利害事竊以國馬之制置自祖宗歲月既深 更張知立制度則凡於利害難以遙度必須目見心曉 論監牧劄子

歲時孳牧吏卒動情以至北壮種類各隨所宜棚井温 左右廂監牧地頭躬親按視至於土地廣狹水草善惡 權暫差臣仍於吳中後等三人內更差一臣與臣同詩 不精則行於後也難久况此是臣本職豈敢解勞欲乞 周遍然後更將前後臣察起請與聚官參詳審處與其 既詳究其根源無旁采於衆議如此不三數月間可以 熟於其事然後可以審詳裁制果決不疑益謀於始也 くこうこくいう 凉亦有便否嚮何以致馬之耗減今何以得馬之蕃滋 山西通志 五十

或陷沒夷狄或已為民田皆不可復得惟聞今河東嵐 起隴右金城平涼天水外暨河曲之野内則岐幽涇寧 竊思令之馬政皆因唐制而令馬多少與唐不同者其 坐而遙度倉卒改更其為得失不可同日而論也臣又 甘最宜牧養往時河東軍馬常在此處牧放今馬數全 石之間山荒甚多及汾河之側草地亦廣其間草軟水 利病甚多不可悉舉至於唐世牧地皆與馬性相宜西 東接銀夏又東至於樓煩皆唐養馬之地也以今考之

銀牙四月全書

卷一百

少間地極多此乃唐樓煩監地也可以與置一監臣以 地有可以與置監牧處如稍見次第即乞朝廷差官與 欲乞更下河東京西轉運司差官就近於轄下訪求草 高寒必宜馬性及京西唐汝之問久荒之地其數甚廣 不耕之地甚多而河東一路山川深峻水草甚佳其地 往年因奉使河東當行威勝以東及遼州平定軍見其 推迹而求之則天池元池三監之地尚其可得又臣

欠己の良之方

羣牧司官員同共往彼踏行學書若可以與置新監則

山西通志

必多於其多中時得好馬若有司惜費則番部利薄馬 司利害最為易見若國家廣捐金帛則券馬利厚來者 復可以參酌相度庶不倉卒輕為更改如九臣所請乞 吳中復等檢閱本司文字講求商議未就之間已各來 州以東體問審部券馬利害凡此三者雖暫差官比及 知其委曲欲乞特差羣牧司或禮賓院官一員並至泰 來漸少無亦好馬不來然而招誘之方事非一體亦須 金分下川台書 河北諸監內有地不宜馬處卻可議行廢罷惟估馬一 卷一百八十

配定其精每到價錢二十五文足陌緣臣已離河東只 緣已配納了當臣方欲奏乞今後不得抑配續據石州 臣昨至忻州見百姓人户經臣出頭怨嗟告訴為轉運 賜施行今取進止 狀申本務見官醋精六千餘石本州見取索在州及諸 ,將十五年積壓損爛酒糟俵配與人戶要清醋價錢 郭鄉村酒户等第及州縣色役公人姓名欲行俵 乞不配賣醋糟與人戶營子

11019 11 1115

山西通志

<u>5</u>+

送納 尚慮本州已行俵配即乞特與減落一半價錢令漸次 虚為捶擾以敛怨嗟伏望聖慈特賜於免其石州醋精 取 古下轉運司今後醋糟八許官務造醋活買及令百姓 魯行移文字且今未得依配別候指揮臣欲乞特降朝 あり四月全書 元祐三年十一 月十五日翰林學士朝奉 郎知制語魚 便買糟醖醋不得抑配人戶其糟所得之利不多但 辨 举王革劄子 百八十 蘇

光深知之待以國士與之往返論議不一臣以為所短 不足以廢所長故為國牧才以備選用去歲以來吏民 生還而容貌如故志氣愈属此亦有過人者故相司馬 好論人物多致怨僧此其所短也頃者軍逐萬里偶獲 强力敢言不畏强禦此其所長也年壯氣盛鋭於進取 臣以獲薦舉奉聖音除鞏西京通判謹按鞏好學有文 備獻納科竊聞臺諫官言鞏姦邪及離問宗室因說事 侍讀為軾劄子奏臣近舉宗正寺丞王輩節操方正可 山西通志 五十二

哉况輩此議執政多以為非獨司馬光深然之故下禮 五人又於十五人中獨稱與二人孔宗翰與鞏是也鞏 中例然不過欲尊君抑臣務合古禮而已何名為離問 奏鞏上書論宗室之疏遠者不當稱皇叔皇伯雖未必 光之雅用其事正同若果是姦邪臺諫當此時何不論 緣此得減二年磨勘仍雅為宗正寺丞則臣之稱薦與 上書益數千人朝廷委司馬光看詳擇其可用者得十 多戶四屆全書 部詳議之兵部侍郎趙彦若亦曾建言若果是離間光

冒昧一言伏深戰越取進止 傷言者本欲中臣而累及革誣罔之漸懼者甚衆是以 光之存亡非公論也輩與臣世舊幼小相知從臣為學 言及光沒之後乃有姦邪離間之説則是單之邪正係 辨論但痛司馬光死未數月而所賢之士便為姦邪 亦不以此責臣止除外官以服塞言者之意臣復何所 亦離間也彦若亦離間也方行下有司時臺諫初無 てこう シーシー 名部事三者之論了無一實上賴聖明不以此罪輩 山西通志

多好四库全書 山西通志卷一百八十五 百八十五